

江油縣志

地 28.111
34
1-2



江油縣續志序



江油有志自前令彭君始彭脩於雍正五年搜輯在
明季兵燹文獻凋殘之後勒成一書至今賴之顧其
時舊疆未復紀載僅今邑之半耳若雍正八年平武
撥歸讓里三十二載之事故則未遑及焉余於丁丑
冬抵任茲土嘗以硝磺之役陟天倉三奇諸峯縱目
遠眺東西徑三百餘里南北半之而涪江雍水渺渺
橫入煙霧間不知所際竊慨焉太息幅幘如其大

江油縣續志序

卷上

也由中以思地不愛寶崇巖之利日興人不辭山蜀
道之難日集五方風氣既變古以成今三代富教應
有加而無己職司百里恭膺

簡命謂何以慎固封守網維人心俾按圖考籍而知
所措注與則續志一編義不容己者雖然蜀之志豔
稱升菴玉壘方洲前明三太史

本朝因之乃臻完善江于蜀亦小體之一續之詎易
易抑又思之必待才如良史需歲殷遙將物換星移

邑之淪落而湮沒者何限耶第恐塵封案牘民方呼籲於堂階釁起疆圉日且奔馳於雨雪遂欲凝神息慮考文於斷碣殘碑徵獻於巖棲谷處是則難耳茲者仰托山川社稷靈佑訟庭少靜年穀亦豐而邑中要務如水利城垣祠廟學校亦隨力畧為振興每退而寢不覺山風江流醒我夙願於此志怛怛欲動矣且夫匡山之岫讀書之臺前哲藏脩息遊之所閱世希踪聞風向慕者儒夙學詎云無人况


國家百餘年教澤深厚即玉堂金馬之英尚待掘起要自有探禹穴窺石室翹然於天柱龍門者出而相與慶同人之助焉於是謀之儒學彭君仁嚴君永孝貢士王子世良寧子愚輩爰取彭君之志凡三十九目分類詳核而增定之其大者標孝友以重人倫廣節烈以維風化補鹽茶以足財賦列十甲以定疆域至於鄉壩市場樓臺八景解支俸工武職雜記則或附或畧焉為目三十有四自己卯冬始事辛巳春竣

事非敢言文惟三十二祀之無徵是懼故謬托諸禱

謀云時 乾隆二十六年辛巳仲春望日

勅授文林郎知龍安府江油縣事紀錄四次滇南瞿

緝曾序



江油縣續志序

卷上

三

江油縣志序

郡邑之有志也或十年而一修或數十年而一修蓋以地利之險易異其形民物之正淫殊其俗財賦戶口盈絀之不齊學校人材興替之無定長民者必博觀記載然後風土所宜人情所習始得周知予以脩齊政教訓俗安民為太平之助志之為善書詎不重哉顧從來珥筆者大抵皆因前人已成之跡踵舊增新斯易為力若夫典籍淪亡老成凋謝而欲從劫灰兵

江油縣志序

卷上

燹之餘編成一帙以俟後之君子有所考訂可不謂難稽江油為古陰平郡僻處蜀之西北隅自遭獻賊蹂躪之後民無孑遺我

朝鼎新以來瘡痍始復土瘠民貧素稱難治牧其地者方招徠撫循之不暇又何暇訪求斷簡殘篇而亟亟焉為志乎吾友彭君半隱于壬寅冬出宰是邑甫下車即以修舉廢墜為首務凡學宮祠廟城樓津梁率皆次第整興復于訟度鎖印竹閣風清之暇博採

遺文分類輯事彙成縣志三十餘條分為上下卷會
予督學西川駐節錦官舉以示予予閱之見其字斟
句酌繁簡合宜山川疆域之必詳徭役兵備之必備
理亂災祥之必悉忠孝節義之必書以及選舉祀典
水利課稅藝文沿革諸事一展卷而瞭如指掌燦若
列眉其有佐

聖朝同文之治良非淺鮮而又留心風雅加意表章
凡大匡天倉之山涪水西平之驛與夫李太白讀書

江油縣志序

卷上

二

之臺竇子明升仙之洞無不窮幽極渺或為文以紀
或賦詩以傳仙令風流論者比之單父琴堂河陽花
縣予因是不禁重嘆人材之相越未可以什佰計也
天下牧民者衆矣處勝地既苦其煩任凋敝又誑于
力而况文章政事世少兼科循吏儒林史無並傳君
乃舉古今人所難能者獨勝任而愉快
苟非積學之
深為政之勤何以得此耶蓋君幼承尊甫司空先生
庭訓負異才卓識自舉賢書即有志經濟之業以故

長材短馭游及有餘雖當簿書錢穀之勞仍不失吟
詠翰墨之樂今者江油士庶頌之曰神君愛之如慈
父桑麻四野耕鑿千家其為江邑之繭絲保障者不
亦至乎予與君少同里長同里兩世通門廿年交好
近復宦遊先後同事此方喜喜君經營之苦心有不
可沒者君雖不獲視草石渠校書天祿然
聖天子尊崇吏治方懸不次之擢以鼓勵官方吾知
其必有合也烏府螭坳旦夕可待君之設施必將有
大過乎人者區區百里之間徵文考獻又豈足盡君
之全豹也哉

江油縣志序

卷上

三

雍正四年歲次丙午九月重陽後五日

賜進士及第提督四川通省學政

內廷供奉

日講官起居注左春坊左庶子掌坊事兼翰林院侍
讀加一級任蘭枝拜序



江油縣志序

夫有文可考有獻可徵以成一邑之來此秉筆者之所樂也若典籍云亡故老靡存而欲搜討他書借資鄰域必身歷以稽訪焉不獨簿書冗雜居諸無暇即案牘稍清而跋涉溪山週行四境則亦難為有功矣能免掛一漏萬之譏乎江油雖邊隅僻處地介氏羗然自漢魏以來載名史冊豈閱數千百年而遂無可傳可紀者耶何往事之莫傳而目今之乏紀耶抑或

江油縣志

卷上

四

遷徙無常沿革莫定而兵燹之頻遭耶嗚呼因陋就簡此前人之所安與斯土斯民相忘于渾渾穆穆之天而已余何為哉余奉

命來宰是邑入境即索邑志無有也但見居人散處仄途叢棘或五里或十里鷄犬無聞村落罔覩時有怪飛鳥飛鳴于荒烟蔓草中而涪水日夜聲喧崇山濃霧不捲驗牌甲戶惟五百課丁賦額少半千幅幘不及附庸舟車不通商賈此即卓魯復生龔黃再出亦

大費一番開闢功也况迂拙如余其何能濟且余思
聖人之訓治也在庶富教人非土不生計江邑地既
蕞爾山居其七水居其二可耕者祇一分土耳一戶
之上僅供數口多男則必出繼蓋地不足而人無食
也則庶之難財非積貯不裕獨江邑霧瘴四起而米
不過夏穀不過冬謀食者終歲耳時豐或免啼饑稍
歉遂艱糊口蓋地氣蒸濕而蓋藏不謹也則富之難
若夫學校荒蕪弦歌絕響雖鮮文翁雅化亦由志士

江浦縣志序

卷上

五

乏人半讀半耕治生是急寡聞寡見績學何從甚至
字不辨魯魚音不調平仄經史缺于几案師友踈于
切磋教豈易言哉然富庶或于限于天時地利西而興學
勸勉則由于人事十室必有忠信口里不乏一賢此
固有司者之責而亦士人所當深自砥礪者也苟相
與鼓舞以臻于文學之鄉將見家絃戶誦父作子述
則有文可考矣釋褐登朝懷珍待聘則有獻可徵矣
按舊日之封疆而復之則地廣而人庶矣闢蚕叢之

逕路而通之則貨集而富可期矣猗歟休哉庶可仰
答

聖天子懇懇勸農崇學之至意而不負大聖人庶富
教之垂訓也則余今日之所纂集者特蒿矢耳恐後
之視今猶今之視昔故不量鄙陋妄為編錄聊志十
一于千百以備後之君子增飾而補不逮云爾

雍正五年歲次丁未夏五月望前一日

勅授文林郎知四川龍安府江油縣事補行癸卯科

江油縣志序

卷上

六

丙午科兩充鄉試同考官加一級紀錄三次彭趾序



江油縣志目錄

卷上

圖考

星野

建置沿革

疆域

形勢

城池

關隘

戶口

田賦 附解支俸工

學校

祀典

名宦

江油縣志 卷上

人物

孝友

烈女

水利

鹽茶法

津梁

鋪遞

十甲 附鄉場

古蹟 附樓臺

山川

公署

倉庫

禁獄

寺觀

職官

選舉

成均

卷下


仙釋

物產

流寓

風俗

藝文



江沙集

江油縣志

圖考

志封疆者類皆有圖邑自平武歸地後幅幘倍增而志乘一書無圖可按則疆域之遠適險易鄰封之交錯毘連及夫星野躔度城郭位次憑何識辨哉志圖考

天文圖


地輿圖

八景圖

江油縣志

卷上

天文圖




地輿圖

交劍州界二百里 東

交綿州梓潼界九十里

交平武界二百五十里





江油縣志 卷上

三



北

南

交武界一百三十里

交石泉 彭明界九十里

古渡



江油縣志 卷上

飛橋 圖嶺



江油縣志 卷上



五



龍門
曉月



江油縣志

卷上

六




賢巨
跡岫

江油縣志

卷上

晚陽
晴坡



霧山
靈雨

江油縣志
卷上






仙金
洞光

江
油
縣
志

卷
上



天柱
樵歌

江
油
縣
志

卷
上



十

江油縣志

八景

邑雖僻陋山水具勝舊傳八景因地非故我不
必借美於鄰封也聊增改二三肯同泛設兼駢
題數語欲快卧遊志八景

西平古渡

綠波中隔白舫橫流沙際鳥飛灘頭人立手相招
而遙語湍激石以成聲野趣天生曠情地設宜晴

江油縣志

卷上

十二

宜雨可繪可吟

圖嶺飛橋

兩峯對峙一索中懸臨萬丈之深溪有知皆悚集
三春之善侶無遠不臻獨往獨來代出僧以司香

火共聞共見

古蹟留

蹟以示神奇

龍門曉月

龍歸何處乃有床存月照普空偏于洞值物有靈
而遺蹟光揚彩以生寒石笋嵯峨參差似笏甘泉

漏滴委曲成川俟曙色之朝升殘星落落疑早妝
之初啟寶鏡熒熒

陽坡晚晴

夕陽在嶺雨歇千絲反照盈坡光鋪一片牧野牛
背橫短笛以吹來笠掛農肩荷長鏡而歸去野花
柔草錦地猶明山色水聲霞天欲暮

匡岫賢踪

人以地靈地因人著覽崔魏之峯嶠勢壓龍川挺
江油縣志 卷上 十三
秀逸之仙才名高唐室讀書臺畔老樹拂雲失鶴
池邊清波耀日勝遊懷騁似隔濁世以忘憂弔古
情深殆呼青蓮而欲出

霧山靈雨

蒼翠如屏空濛入畫霧無心而冠岫雨有約以膏
原故百室所占而四時不錯望山中卜霧靈之自
至看翳日知旱鬼噬之潛消此尤水潦之所關非僅
景物之堪覽者也

金光仙洞

峻峭崇山攀藤陰險涉幽深古洞秉燭難窮餐石粉
以無飢拜金仙而招隱不盈不涸泉活常流隨鎖
隨開雲飛莫定嘆鐵船之何繫我欲乘槎撫丹竈
之猶存誰能鍊藥金光永駐勝地堪傳

天柱樵歌

林深似幙徑仄疑繩一望龍蔥靡驚鳥獸三秋剪
伐時響斧斤擔頭枯葉桃來澗外清謳和去樂雲

江油縣志

卷上

十四


烟之縹緲牧子諧聲悲風雨之淒其漁人同調

江油縣志

星野

蜀為益州地史記天官書謂益州為參分河圖
括地象云岷山之地上有井絡通志載成都井
鬼之分入參一度龍安井鬼之分入參二度江
邑界成龍之間星野可知也志星野

井鬼之分入參二度



江油縣志

建置沿革

溯自九州攸分因時制宜沿革各異或分而復合或合而復分國與天下其所由來遠矣矧區區一邑云爾哉志沿革

禹貢梁州之域周秦氏羗地漢為廣漢郡剛氏道蜀漢為江油戍兼置廣武縣屬陰平郡晉宋齊因之梁為楊傑李龍遷所據後魏武帝置江油郡西魏置江

江油縣志


卷上

二

油縣為江油郡治廢帝二年置龍州隋大業初改州為平武郡後改龍門郡唐武德初曰西龍門州垂拱中為正州天寶復曰江油郡又改靈應郡復曰龍州又改為聖縣宋仍曰龍州江油郡又改為政州復曰龍州寶祐六年徙治雍村今西南二十里舊縣墟元至元間省江油縣入州至正中徙州治武都今縣治陞為元帥府明洪武初徙治青川江油併入梓潼十四年復置江油縣屬劔州嘉靖四十五年改屬龍安府

皇清因之順治年間併入平武康熙元年復設縣編
戶二里雍正八年撥平武讓里併入江油幅頓為倍

云



江油縣志

卷上

三

江油縣志

疆域

今之江油元以前之郡與州也明則併入梓潼國初又併入平武幾不復縣矣迨康熙元年復設始編戶二里至雍正八年割平武讓三甲益之幅幘式廓庶幾埒於隣封焉志疆域

江油縣

轄中壩司

在府治東南東西距三百四十里南北距二百二

江油縣志

卷上

四

十里

東二百里至劉家灣交劍州界

西九十里至通口河交石泉縣界

南四十里至黃樹坎交彰明縣界

北二十里至趙盤埡交平武縣界

東南九十里至黎埡廟飛鳳山交梓潼縣綿州界

東北二百五十里至宗坡山交平武縣界

西南九十里至元坪子交彰明石泉二縣界

西北一百三十里至青衣寨交平武縣界

自縣至府城二百六十里至省城四百五十里至
京城五千三百五十里

中壩巡檢司

在縣治南三十里東至全門壩世音觀交綿州梓
潼界西至白鷺菴黃連橋通口交石泉界南至高
泉山關家場馬頭山邊家溝交彰明界北至女兒
壩楊家菴火峯山張家壩交縣典史界

江油縣志

形勢

邑重岡伏地峻嶺橫天東西二隅曲環郡治南
北一路直達縣城乃涪水之咽喉實龍安之門
戶昔蜀漢有江油之戍至元開元帥府亦巖
疆險要用武地也志形勢

舊志云天山拱翠涪水滌泗居西蜀之上游通南楚

西之要道江山勝地漢魏名區

江油縣志

卷上

八

江油縣志

城池

金城湯池保障攸資無池已非設險周防之意
矧城垣久毀鎖鑰無司者哉故守土者耶即力難
大舉而設法經營以次修整亦分所應然耳志

城池

昔治在舊州附郭宋徙雍村即舊縣壩元時遷於武

都即今城明天順中典史姜綱奏建成化初知縣桑

江油縣志

卷上

七

時用馬月輝相繼修完建永安長寧二門正德中同

知段溥釐以石高一丈五尺周三里計五百四十丈

嘉靖初巡撫許廷光展修萬曆初知縣葉自新修益

墻堞知縣安祚復監串房環以濠明末遭張獻忠亂


傾圮殆盡

國朝雍正初知縣彭陟修築改永安門曰昇東長寧

門曰拱北乾隆初知縣魏文揚輔相繼修二十四年

拱北樓圯知縣瞿緝曾重建復補修東南二樓易其

額北曰拱極東曰近光南曰迎薰置城門鎖鑰砌石
數十餘丈將以次完繕焉



江浦縣志

卷五

江油縣志

關隘

蜀匪嚙嚙其極則明季張賊之憂也依山憑水
相土立防遏其遊走之踪斷其聯絡之勢則關
隘要矣軍民力守而野無私交又何滋蔓之難

圖乎志關隘

中壩場

縣西南三十里接彰明太平場界水陸
通衢商賈輻輳為江油門戶設有巡撫

馬蹄岡

縣東四十里新開場市孤立山岡為西路
中壩東路重華嚙匪經行要路設有兵役

江油縣志

卷上

九

梨塢廟

縣東八十里界連梓潼分趕場市
亦中壩重華兩路遊匪經行處

雙河場

縣東二十里近馬蹄岡匪類亦時至又為
朝陽獅子諸碉硝匪透漏要路設有兵役

乾口

縣東北二百餘里兩山壁立中通一徑
接三奇山嶺廠為礮匪東路今設卡

麻柳林

縣東北二百里沿溪一徑山深
林密乃礮匪西路亦設卡守之

黃連橋

縣西北八十里通天倉山金光洞硝廠
並石泉通口彰明香水諸場接中壩司

江油縣志

戶口

舊志載人丁七百九十九丁八分今編至三千七百二十而三合之 盛世滋生戶口六百九十七丁已增六分之五矣至清釐保甲生聚且盈萬戶視疇昔招徠日豈復有土滿之患乎志

戶口

國朝自順治十年起至康熙五十五年遞增戶口三

江油縣志

卷上

十

百九十九丁九分舊例以兩人朋一丁是年倍加共七百九十九丁八分其餘增益人丁欽奉

恩詔造入盛世滋生冊永不加賦雍正七年丁糧合併徵輸又雍正十年奉文於平武縣撥歸管輸至乾隆十九年止統計人丁三千七百二十三丁

江油縣志

田賦

邑治負山而居夙號七石三土間有平疇亦大
麓微區多屬鄰邑者江堰則限於地之不廣山
堰又苦於水之無多其餘塘堰全資雨集恃在
天時罔旱則惟正之供不事追呼云爾志田賦

全書原載額糧自順治十年清查起至雍正七年徵
輸止每畝載糧中田二升四合中地一升六合每糧

江油縣志

卷上

土

一石徵銀一兩八錢三分每糧二斗二合零載丁一

丁每丁徵銀一錢六分二釐零通計丁糧銀四百二

十五兩六錢八分四釐零雍正七年奉文丈量丁糧

合併徵輸至乾隆十九年止除 藉田四畝九分不

徵丁糧外花戶三千七百二十三戶^量輸中下稻山

坡田地共一千七百七十四頃七十四畝四釐零內

每畝徵丁糧銀中田六分三釐零下田三分一釐零

稻田一分二釐零中地四分二釐零坡地八釐零下

地二分一釐零又雍正十年平武縣撥歸管轄每畝
徵丁糧銀稻田一分二釐零中田一分二釐零下田
八釐零中地一分二釐零下地八釐零山坡旱地八
釐零通計共徵丁糧銀二千九百二十五兩一分六
毫三絲六忽六微四塵五纖遇閏之年每銀一兩加
徵八分二釐零平武撥管加徵九分二釐零

存留

一春秋致祭

江油縣志

卷上

十二

文武二廟及山川社稷各壇祠原編銀五十二兩八
錢因錢糧不敷每歲於地丁銀內扣留備祭共三
十二兩內酌撥二兩致祭屬壇

一廩生二十名每名歲支銀三兩二錢共銀六十四
兩遇閏每名加銀二錢六分六釐零

歲支

一龍安府知府俸銀一百五兩各役工食每名歲支
銀六兩共銀四百八十六兩

一本縣知縣俸銀四十五兩 衙役三十一名內門
子二名皂隸十四名馬快八名轎傘扇夫七名每
名歲支工食銀六兩共銀一百八十六兩 又作
作一名工食銀六兩隨學伴作二名每名工食錢
三兩共十二兩 又民壯八名每名工食銀八兩
共六十四兩 又禁卒八名更夫五名每名工食
銀六兩共七十八兩 又捕役二名每名工食銀
六兩共十二兩 又斗級一名倉夫二名每名工
食銀六兩共十八兩 又底舖五顯柳林松抱女
兒中壩六舖司兵十八名每名工食銀六兩共一
百八兩遇閏加增內奉文於司兵工食抽幫綿州
一名歲支銀六兩

一巡檢俸銀三十一兩五錢二分 衙役二名內門
子一名皂隸一名每名工食銀六兩共十二兩
弓兵六名每名工食銀八兩共四十八兩
一典史俸銀三十一兩五錢二分 衙役六名內門

子一名皂隸四名馬夫一名每名工食銀六兩共
三十六兩

一教諭訓導每員俸銀四十兩共八十兩 門斗二

名膳夫二名每名工食銀六兩共二十四兩

以上存留歲支共銀一千四百七十三兩四分所有

支剩丁糧銀一千四百五十一兩九錢七分六毫

三絲六忽六微四塵五纖兩次起運

藩庫

江油縣志

卷上

十四

耗羨養廉

一丁糧耗羨銀四百三十八兩八錢零一五加徵
過閏再加鹽

引耗羨銀一百二十六兩七錢四分二釐 茶引

耗羨銀一兩八錢一分三釐七毫 共銀五百六

十七兩三錢五分五釐七毫

一知縣養廉銀六百兩 巡檢養廉銀九十兩 典

史養廉銀八十兩 共銀七百七十兩除於耗羨

銀留支外其不敷養廉銀歲赴 藩庫請領

江油縣志

學校 小學額取八名

蜀自文翁建學人材之盛比隆齊魯厥後文章
理學代生賢豪江邑固僻壤哉始或謂

文廟起於治東地靈未應自移還城內亦越有年山

川之氣于以知積厚而流光也志學校

文廟

元至正間知縣李彥文建于高堂里明洪武初
知縣周伯汶移建城內正統時教諭饒旭成化
時知縣張澄繼修明末遭寇燬國朝順治年
間移建治東三里康熙二十三年知縣萬瑞麟

江油縣志

卷上

十五

御書萬世師表扁額三十五年知縣于有慶繼修四

十二年知縣陳圖修櫺星門奉頌

御製訓飭士子碑文雍正元年奉
旨建崇聖祠恭設五代玉牌位二年知縣彭趾繼修
四年奉頌

御書生民未有扁額乾隆三年奉頌
御書與天地參扁額十六年知縣楊輔相移建城內

魁星閣在文廟南乾隆二十年建

天柱書院

在縣署右知縣朱樟建移祀文昌知縣
魏文題名義學知縣萬詢詳給膏火乾隆
二十二年知縣瞿緝曾請易今額改建
大門重修正殿講堂增置兩廊學舍

江油縣志

祀典

書曰至治馨香感于神明夫祭祀之典即至治中極要者今將率民以邀福於神年穀順成人登壽域則先聖先賢山川土穀常祀之外其顯佑於民者俱未可畧也志祀典

文廟

漢詔祀太牢諸侯王卿相至郡先謁廟而後從政北魏詔郡縣立學祀隋詔州縣仲春秋釋奠唐詔立專廟塑像衣袞冕南面宋詔立門戟二十四明詔郡縣以下朔望行香始為木主稱

江油縣志

卷上

十六

至聖先師孔子名官鄉賢二祠附國朝定諡稱大成至聖文宣先師孔子雍正元年追封五代王

改啟聖為崇聖祠二年復祀林於蘧瑗秦冉顏何縣亶鄭康成范甯增祀牧皮樂正克公都子萬章公孫丑諸葛亮尹焯魏了翁黃幹陳淳何基王栢趙復金履祥許謙陳澔羅欽順蔡清陸隴其並於學宮側建忠義節孝祠

武廟

在城東雍正三年追封三代公春秋祀太牢乾隆二十五年知縣瞿緝曾改建大門升高聖殿

社稷壇

在南郊

風雲雷雨山川壇

在北郊

先農壇

在東郊雍正六年建每歲候文到日致祭行耕藉禮蟒袍補服印官秉耒佐貳執青箱播

闕行三種耆老牽牛農夫扶犁九推九返耕畢望

城隍廟在城康熙六年知縣詹履道建五十五年知縣朱樟乾隆十八年知縣楊輔相相繼重修

厲壇在北

文昌祠即今天柱書院康熙五十二年知縣朱樟自二聖廟移祀乾隆二十二年知縣瞿緝曾重修

魁星閣在城

火神廟有二一在城北一在東關

馬神廟在城合祀火神廟

萬壽宮在城江西北人建

江油縣志卷上

張桓侯廟在城西

五顯廟在北郊

禹皇宮在南郊湖廣建

土主祠在紫龍山祀梁李龍遷志載封龍川土主

川主祠在王枕山俗謂二郎神乃秦蜀郡太守李冰子佐父鎖水怪以靖水灾元至順年父子俱

封王蜀皆祀之

康濟祠治西二十五里即龍王觀

顯濟廟載府志

江油縣志

名宦

一代勲猷千秋俎豆粵稽西蜀自秦漢以逮

國朝官階雖異宦績各標蓋一命之士苟不忘所學

則仰文翁武侯諸先哲而興起焉者千載如一

日也志名宦

後陸騰字顯聖龍州知州通江油路出南秦

宋洪咨夔

浙江於潛人嘉泰二年進士任龍州知州江油民歲苦戍邊運餉為請于漕帥免之

江油縣志

卷上

六

明周伯汶

江西太和人洪武年任知縣撫字有方創建文廟

文理均州人宣德年任知縣性剛政簡番寇至與民誓守城陷夫婦死之葬金盤溪

李藻

貴州舉人正德年任教諭駁藍賊叛奉委督餉守高城身親決戰亡

潘大武

貴州普定衛人嘉靖年任知縣平易近人片言折獄白去平番戍卒及金井夫役民

之便

國朝黃

極

奉天人康熙十九年任知縣有惠政及去民咸惜之

于有慶

奉天人官生康熙三十五年任知縣重建文廟

王士穎

字學齋閬縣人康熙己卯科舉人五十五年任知縣在任七載士民為立家膏雨坊

江油縣志

人物

賢才不擇地而生今所無者既為昔所有昔所
有者詎必今所無况

國家作育有年而磊落英多昔人战之截業嵯峨江

城雖小山勢於天豈亞峻極者哉志人物

唐李

白字太白涼武昭王九代孫父客避難隱姓
為廣漢郡人公生指天枝復姓夢長庚入

懷故姓李名白少好任俠讀書匡山善賦詩號為
謫仙天寶初召見草和番書試清平調上坐以七

江油縣志

卷上

九

寶康手調羹賜之遂直翰林嘗薦郭子儀為中興
功首因為同列所謗詔許還山遂浪跡天下其碣
碑云與其才不與其命飲酒非嗜酣樂取其昏以
自賞作詩非事文律取其吟以自適好神仙非慕
輕舉將不可求之事求之欲耗壯心遺餘年也後
坐永王璘事流夜郎會赦得還代宗拜左拾遺公
已逝矣終於江南葬宣城謝家青山子伯禽早卒
孫出遊不知所在孫女二儂于農夫將改適能安
義命辭曰無面目
見先大父乃止

衛信舉孝廉知荊州秩滿當選民乞留之
歷任九載政澤淪浹一時稱為賢守

徐忠進士任戶部主事淡為仕進官二年
告歸敦行古道不苟言笑為時所重

孫逢吉監生任兩當縣知縣建學興農士民感德
考滿歸里睦族訓子年九十三歲而終

江油縣志

孝友

百行莫大於孝生我劬勞疇不知之顧自姜詩
流芳而聞風向慕以孝友著聞者郡治惟平武
李芳一人豈孝德難言抑紀載之或缺與宜蒐
而志矣志孝友

國朝袁州宰

生員袁好義次子母病數年不痊州宰禱
于觀霧山誓以身代雍正元年私携香燭

懷小刀入山斷手腕而殞兩日後父兄覓
屍得之鳥獸罔侵越月其母痼疾忽愈

江油縣志

卷上

十

陳天爵

中壩人其母病危嘗刲股以療後數年而
歿儒學陳明書嘉其愚孝以繼女妻之

甯

愚

貢生甯平壩人安貧讀書曾舉孝廉又舉
優行皆不就惟始終一意事親備極誠篤

乾隆二十三年冬署教諭祝岷上其行巡道
張之後贈孝子詩二首知縣瞿緝曾為之記

江油縣志

烈女

蜀漢之李夫人羞與不義同衾忠存千古尚矣

其次從一而終不憚艱苦能養其親以育其子

節非甚烈巾幗中亦豈易得者哉志烈女

漢李氏

守將馬邈妻炎興元年冬十一月鄧艾深入陰平徑達江油邈不為備李曰近聞邊關告

急君豫然何也邈曰天子聽信黃皓禍不遠矣魏兵至日吾必降李唾其面曰君為男子先懷不

忠不義之心吾何面目與君並生乎忽報艾已入門邈忙出降李自縊死靜軒詩曰可憐西蜀多名

江油縣志

卷上

二

將不及江油李氏賢陽亭有烈女祠

國朝蔣氏

廩生舒繼董妻年二十九夫亡嘗割股以療姑病家貧課其子以麻縷布帛易書籍又嘗

誦感應篇訓之子三典謨訓皆成名壽八十三奉旨建坊知縣瞿緝曾送入節孝祠

李氏儒生羅運科妻年二十七夫亡善事翁姑年俱八十撫其子邦福廩生孫基衍選貢知縣

魏文旌其史門

馬氏訓導儒駿女生員趙楷妻年二十五夫亡姑病每焚香請以身代今姑年八十二子光宗

武舉僉以為節孝之報云

舒氏貢生謨女儒童侯守節姑與子女衣食常充半月女二歲矢志守節姑與子女衣食常充

自衣雖百結無怨又嘗焚香告天請代姑病卒壽終子秉乾成名知縣楊輔相旌其門

雷氏 儒童呂和鐘妻年二十五夫亡氏克諧室家勤儉創業子女皆成立

呂氏 武生王永正妻年二十六夫亡奉先惟謹督其子景華保有基業

王氏 處士韓天生妻年二十五夫亡苦志守節撫子中榮成名家業嗣興知縣瞿緝曾旌其門

王氏 選貢世良儒童貫琳妻年二十夫以試見遺氣鬱而亡氏悲之父母舅姑無以釋其痛

愈年亦亡為合葬以全其志

蕭氏 處士薛維棟妻年夫亡撫子文斌成名又故再撫孫化楠克守家業知縣楊輔相

旌其門

江油縣志

卷上

沈氏 廩生盧升瓊妻年二十七夫亡孝稱于姑祭不失時每早夜織紡以勤家業子孫鶴不幸

而殤撫姪成立今有四孫皆氏之力也

宋氏 苗筠節妻年二十二夫亡克盡孝道飲冰如茶撫子永壽成名嗣興家業今六十七歲

向氏 生員劉立魁妻年二十八夫亡苦志守節撫子成家在七十三

侯氏 儒童筮名儒妻年二十五夫亡夫弟鉅儒亦亡家最貧偕弟婦彭氏苦守子俱成立署教

諭表以額曰一門雙節

彭氏 筮鉅儒妻年二十二守節事見前

江油縣志

水利

溯自岷山導江水利溥矣顧水有長短之分利
有大小之別限於地者苟可引灌惠政斯存正
不必離堆湔水之開鑿乃云因民所利而利之
也志水利

一甲

江堰四道

文昌堰 許歐堰

小河堰 對河堰

山堰一道

女兒堰 昔有 女兒倡修故

江油縣志

名 舊堰一道

白魚堰 乾隆二十五年開修尚未告竣

堰塘十二口 筒

車二十二架

二甲

江堰三道

龍門堰 鐵佛堰 陳山堰

二道

天生堰 在石聖

岩兩岸夾石成 堰故名天生

龍宮堰

水湧石縫分 潤檢石上壩

堰塘六十五口

筒車二架

三甲

河堰三道

黃家堰 趙家 馬家堰

堰塘二十六口

四甲

山堰一道 劉家堰 堰塘二十四口

五甲

山堰一道 堰塘六口

六甲

河堰一道 堰塘十六口 筒車一架

八甲

河堰三道 永興堰 廣成山堰一道 龍潭堰塘九口

江油縣志

堰卷上 大悲堰 二

筒車十六架

九甲

山堰六道 松潘堰 天生堰 牌樓堰 堰塘一百二

十口

十甲

堰塘一百口

江油縣志

津梁

乘輿濟人孟子曰惠而不知為政特引其偶然
以立論耳苟無是心雖有政不行焉則夫隔澗
斷崖支一石架一木不得謂非遺愛所及也志

津梁

一甲

西平渡

安平渡

俱涪江

江油縣志

卷上

二五

朱市橋

在東關舊有橋今廢

登龍橋

南家橋

伍家橋

呂

家橋

興隆橋

新興橋

迴龍橋

永安橋

安

鳳橋

二甲

仙女橋

寶子明處 合江橋

鐵索橋

在圖山雙峯挿天中懸鐵索為橋長

十餘丈彼岸有寶真人魯班二殿代惟一僧能渡以司香火

作新橋

永遠橋

新貴橋

濟慰橋

種德橋

迎龍橋

豐樂橋

瞿家橋

龍旋橋

日新橋

復永橋

江油縣志

鹽茶法

附田房稅

火井之利江油缺如間產山茗不得與趙坡水
南白芽蒙頂比故為數無多鹽引則遞增至三
百二十一張茶不過邊引七張而已志鹽茶

一鹽陸引共三百二十一張內潼引二百八十一張
綿引四十張共徵稅銀八十七兩四錢四分四毫
耗羨銀一百二二六兩七錢四分六毫硃力銀二

江油縣志

卷上

二六

兩二錢四分七釐內除耗羨銀扣支本縣養廉外
餘銀俱二次起解 道庫

一茶邊引七張認銷名山縣共徵課銀八錢七分五
釐稅銀三兩三錢四釐耗羨銀一兩八錢六分二
釐硃力銀四分九釐內除耗羨銀扣支本縣養廉
外餘銀俱起解 道庫

一田房稅銀歷儘收儘解起運 藩庫

三甲

馬家沈渡 在中堤涪水入彰明界

岳家橋 大石橋 任家橋 高板橋 三星橋

復興橋 兩河橋 待全橋 彰江橋

四甲

江村渡

八洞橋 雙板橋 即倒石橋

六甲

江油縣志 卷上

永興橋

八甲

雍村渡 繆家渡 觀音灘渡 潘家渡 龍門渡

俱小江河

雙龍橋

九甲

龍潛橋 天生堰橋 雙河橋 龍潭橋 復興橋

柳堰橋 喻家橋

江油縣志

舖遞

國家聲教遐宣舖遞綦重江邑當成龍二郡之間往來公牘前此寄遞塘兵殊多未便嗣奉添設舖司又循例支給工食迄今乃無慮焉志舖遞

在城舖

五顯廟舖

柳林子舖

城北二十里接平武白石舖

江油縣志

卷上

松抱栢舖

女兒堰舖

中壩場舖

城南三十里接彭明太平場舖

以上六舖每舖司兵三名共十八名內抽幫綿州舖司兵一名歲支工食銀六兩

按舊志載西平驛置夫二十名馬二十匹又有巖溪舖石子嶺舖各置司兵今俱裁

江油縣志

十甲

城列三門鄉分十甲錯落重岡複嶺之間山麓少平則名為壩居人畧聚則號曰場新民漸倍舊民簡邑將成繁邑亦云庶矣而七石三土謂富之何志十甲

一甲 縣城連二三八十甲距城約四十里北接平武南接彰明

武都壩

公子坪

柳林子

在涪江東舊產麩金

趙盤壩

治北二十

江油縣志

卷上

廿九

里接高堂觀

東坪

大河灣

新開山

松抱栢

昔有枯松中生栢故名

寶坪壩

安平壩

崩土坎

白楊溝

又名青林口路通東坪至平武

羅漢院

蒼壩

黃樹坎

治南四十里接彰明

相傳張姓官麻城移種此樹枝葉皆黃

二甲 連一九十甲距城約三十里東接梓潼北接平武

陽亭壩 分沿涪江中下

謝家溝

雙河場

一場四期 檢石壩

接梓潼 歐家壩 岡山坎 接平武

三甲 連一四八甲距城東西各九十里東南接綿州梓潼西南接彰明石泉

女兒堰 關家村 中壩村場 治南三十里接彰明水

檢鄧漕河 新店子新開場 譚家坪 全門堤 燕子

場 杜家河 治東九十里接綿州 大茅山 接梓潼 倒掛牌 响石

堤 白岩 元坪子 治西門南八十通口河 治西九十里接石泉

四甲 連三五六甲距城約一百二十里東接梓潼

小溪河 治東一百二十里接梓潼 嚴家營 紅豆樹 斬石龍

落陽橋 黃茅嶺 桐麻溝 毛水堰 江村口

雙板場 三六九日場期

江油縣志 卷上

五甲 連三四甲距城一百五十里東南接綿州梓潼

大茅山 治東一百五十里 孤居梓邑之東 杜家河 接綿州 白廟子 世

音觀 苟家河 黎堰廟 治東八十里接梓潼 二五日場期 狗漕

子 高廟子

六甲 連四五七甲距治約二百里東北接梓潼劍州

風香溝 治東二百里 田家寺 寶子寺 燕子寺場

張村壩 馮家灣 小堰子 長坪 野馬堤 沉

水 苦竹溝 興隆場 在皇統廟 佛耳岩 接梓潼 重華場

七甲 連六甲距城二百五十里

劉家灣 治東二百里接劍州 牛欄溝 仙女山 大松樹 朱

家河 宮石堤 四顆石 治東北二百五十里接劍州 五祖山

羅廟真 雁門堤 連七寨 接昭化 木水堤 宗坡山

治東北二百五十里接平武 乾口 十八渡 西遊 欠溪河

賈家堤

八甲 連一三十甲距城一百二十里西北接平武

鹽井埡 舊有鹽井今廢 趙家溝 張家埡 天倉山 青衣

江油縣志 卷上 三

寨 治西北一百三十里接平武 馬溺水 下庄壩 讀書臺 唐

村 筏子頭 舊縣壩 即昔雍村

九甲 連二四六甲距城七十里接梓潼

轉岩子 毛堤子 水柴溝 龍潭堰 牌坊堤

馬蹄岡 三六十月場期 白沙坎 龍泉場 三六九月場期 猪頭埡 旱

祈雨祭 范家溝 白泥堤 五福寺 風於此


十甲 連一二八九甲距城三十里接梓潼

老鶯窩 柳樹溝 石子嶺 謝家漕 雙河場 連

甲石板河接梓潼雙廟子 高嶺 孔墳子

按邑大小地名一千二百有餘錄其地之內分十

甲外接鄰封者



江油縣志

卷上

三

江油縣志

山川

岷山導江禹跡千古若乃秀聳岷巖潔分江源
則茲邑之戴天諸嶺一壁萬仞長亘三百餘里
而涪流天半瀉龍門以出^中出皆蜀北勝槩也志

山川

一甲

天柱山 治北十里山小而高形龍頭山 又名迴龍台
如立柱為縣治主山

江油縣志 卷上

山 玉枕山 有川觀霧山 霧起即雨可卜陰晴上有
鐵瓦殿相傳普天大王建

白魚山 相傳有二白魚導水至山涪江源發松潘風
下為婦人所厭飛去故名涪江洞古岷山分

水嶺東連小河經府城二里後西自南而老虎灘涪
東過縣治至彰明歷綿州入重慶大江

孤舟^州上培官樹龍門洞有龍床石笋仙人洞在觀霧
鎖水以衛風脉龍門洞有龍床石笋仙人洞在觀霧

了然結履于此洞
口有桂四季開花

二甲

竇圖山 治東北十里石笋如圖兩峯突立中斷百餘
丈人不能過昔唐主簿竇子明隱此得道故

以竇冠山名上響崖山 方輿勝覽有鳴水山即此在
有蓬壺八景 治東南有飛泉觸石響應山

名 永隆山 有文昌祠昔人會講遊息之處 捧珠山 火峯山 石聖

岩 有觀昔 放陽坡 風洞 在猪頭壩相傳邑有風災

之 石盤河 淨水池 在岡山進香者於此盥漱 神水泉 水甘竹灌

塘 昔人以竹筒取水灌田故名 洞溝 泉流不竭 歡來灘

三甲

大茅山 古樓山 石馬山 高泉山 涪江 由中

家沱 入 杜家河 入綿州 通口河 由石泉鄧家渡至縣

渡 入 白岩 羅漢洞 洞門高朗內多佛像 黑龍潭

江油縣志

卷上

三

四甲

樓房山 天馬山 古城山 小溪河 入劍州 神龍

河 亦入陰平合流 江村河 源發白楊洞即

五甲

藏鷺山 鳳朝山 治東一百里形如飛鳳

六甲

老君山 雲盤山 盤龍山 朱家河 陰平下流入

梓朝陽洞 寰宇記云在州南八十里高九百丈陰洞

平合白櫟水今按
此洞當屬老君山
于北洗足石佛岩
形狀宛然

七甲

雲羅山 金山子 五祖山 諸山
五峰平列神秀
插天為

三奇山 如飛燕 小石窠 窠
宗坡山 治東北二百七十
里與平武分水

龍山 仙女山 天字岩 如天
字故名 西遊河源

虎寨垣 至松板雁門 塢西
塢仙鵞池 池深不可測
有

羅廟 真入劍州 黃沙塢 大
河 仙鵞池 石倒垂如鵞
頸

故小池 山頂有泉 一
大佛灘 治東北二百七十
里

八甲

太華山 形如華岳 大匡山 唐
翰林李白讀書於此 戴

天山 倉在太華天 倉山 治
西北百二十里 王匱志天

山記 天倉諸峯 屹然三十
有 點燈山 一名小匡山 即

六上有太乙洞 一名乾元山
點燈山 李白讀書臺 夜

如光耀紫岩 太乙洞 又名全
光洞 洞中石粉如麵

三手像太乙真人 香火洞 深
宵不可窮究 昔有 百淮

洞 潭水淵碧 九龍洞 在太
乙洞內 下臨深壑 歲旱取

雍村河 又名小江 河流自
平武松橋過雍村 失鶴池

在大匡山下李白詩有觀音灘有石觀

九甲

石碑山

兩壇山

龍宮寺

寺下湧泉為檢石一龍

王塘

歲旱禱雨用水車將外塘水扯盡伏入三塘取

縣驛緝曾為刻

十甲

紫龍山

即新開山舊有知金鳳山

江油縣志

卷上

三六

江油縣志

古蹟

勝蹟未湮後之人可想見當年風會然而滄桑多變其與化而推遷者且千百十邑也茫茫宇宙求所以壽金石而垂不朽焉顧安所得耶志

古蹟

江油故城 凡有三一在平武縣舊州距今縣一百二十里蜀漢為江油戍魏鄧艾入蜀由陰平

光登至江油是也一在雍村距今縣二十里即舊縣塢西魏始置江油縣尋為龍州隋唐因之宋寶

江油縣志

卷上 祐六年隨州移治雍村是也一在武都興教鎮元併入龍州至正中隨州治徙此即今縣

雍村 在縣治西宋進士雍繁孫居此故名即舊塢縣

讀書臺 有二一在大匡山一在點燈山皆寺白讀書處山畔有松遂名太白

鐵瓦殿 在觀霧山相傳普賢大士募建

飛天藏 在岡山建自宋元制度宏敞明季兵火不燬似有陰護之者

停驂樓 治束十里明知縣葉自新建今廢

超然亭 在圖山竇真人故蹟明推官朱仲廉建

感雨亭 在紫龍山明知縣余槐禱雨有應故建亭今廢

仙遊臺 在圖山明松潘兵備道羅時霖建

千家膏雨坊 在東關為知縣王士頤建今廢

謫仙祠 在讀書臺

弘真觀古碑 蜀志云在太華山之真登觀此記罷古今不可考

匡山碑 詩錫李白出山碑缺不全

米元章碑 在城隍廟宋米芾書李白題江油尉廳詩

遊天倉洞記穴碑 在太乙洞明嘉靖壬子保寧府同知雲南葉松撰

寶圖山詩碑 有二俱明嘉靖間胡直余坤題

江油縣志 卷上 三

讀書臺詩碑 明嘉靖郭文涓題

圖山殘碑 有二一刻恬和子馬朝陽書人間天上存天上一刻邑戴仁詩不全

重修樂靜菴碑 明邑人辛和撰

蛟龍碑 在圖山不全

海墘碑 在圖山明清霞道人撰

烈女碑 在陽亭堤祀蜀漢守將馬邈妻李氏今廢

江油縣志

公署

蜀志引左氏云署者位之表也其地負陽答陰
其事體國經野所係綦重矣居是位者體制宜
崇修葺務勤或且諉為傳舍其餘又惡是論乎

志公署

縣署 康熙六年知縣詹履道建 大門 知縣魏文 儀門 聖諭坊 雍正

十一年 大堂 康熙二十二年奉頒 過廳 知縣瞿緝

江油縣志 卷上

二堂 知縣陸翼重葺 三堂 知縣萬詢重修 廊房 桂馥軒 知縣王士穎建

古廳 知縣朱樟建 門房 廚房 衙神祠 馬房 倉

廩 六房 羈候房 知縣瞿緝曾建 土地祠 知縣瞿緝曾改建前楹

典史署 在縣署右

教諭署 在教諭文廟右署 訓導署 在城東門內

巡檢署 在中壩雍正七年新設

督學院行署 在隆九年文廟右乾

公館三間 知縣瞿緝曾移建書院西廊地基二畝存

江油縣志

倉廩

積貯者天下之大計也其在江油城有常平鄉
有社穀

國家酌一邑之貯存廣四方之儲蓄命有司以時歛

散而經理之澤至渥也任至重也可弗謹與志

倉廩

倉廩五十間 內奉文變
價十二間

江油縣志 卷上

共額貯常平倉穀一萬三百五十石九斗九升二

合八勺九抄

社倉十九所

- 一甲 香林寺
- 二甲 義
- 三甲 彌陀寺
- 天尊寺
- 淨土寺
- 心珠寺

- 文昌宮
- 白岩寺
- 藥師院
- 五福寺
- 寒真觀
- 八甲 因明寺
- 九甲 蘇家觀

- 龍泉寺
- 觀音寺
- 十甲 石家庵
- 虎頭寺

共貯社倉穀三千三百六十一石九斗二升九合

歷年捐輸至乾隆二十四年止

江油縣志

禁獄

舊志云獄雖設而常空前此之風也今則習俗
變於五方風氣難留古冢囹圄之內反如福堂
此之謂不能以堯舜之心為心有司之罪也志

何尤馬志禁獄

監房一所內男監三間女監一間外墻二圍在縣署儀門右

康熙五十二年
創建歷歲修葺
江油縣志卷上

竊候房二間在縣署大堂左乾隆二十五年知縣瞿緝曾新設

江油縣志

寺觀

琳宮梵宇半在高山流水間其清淨足以滌凡塵其法教足以成善果亦自漢以來於今不廢而愚者或不免薄親俸以勑庵觀則惑也仍舊貫可也志寺觀

一甲

東嶽廟

土主廟

祥光寺

在觀霧山普賢大士道場飛閣凌空上覆鐵瓦

江油縣志

卷上

四

香林寺

天池庵

羅漢寺

迎恩寺

海濟院

高堂觀

昔有孝子為母而建故名

二甲

柱香祠

在永隆山今合祀

石家庵

神水寺

關帝廟

善覺寺

雲巖寺

在園山唐乾符年勅建分東西二院東禪林西道觀合千百眾後遭

兵火院宇荒廢僧了然重修

寶真人殿

宋元間建雍正三年

佛定寺

三甲

文昌宮

在中壩有僧定安於官道禹皇宮建湖廣天后傍植翠栢千餘株今成林

宮福建萬壽宮江西忠義宮陝西東嶽廟 彌陀寺

高寺 觀音寺 天尊寺 淨土寺 含真觀 金

輪寺 火峯山 心珠寺 普照寺 東林寺 晒

經寺 羅漢洞 白岩洞寺

四甲

射洪廟 普照寺 金寶寺 福嚴寺 妙明寺

天門寺

五甲

江油縣志 卷上

世音觀 黎埡廟

六甲

福壽寺 寒栢寺 皇統廟 福泉寺

七甲

漫寒寺

八甲

文昌宮 大悲寺 因明寺 大明庵 香林寺

太華觀上有三峯狀如華岳石磬寺寺側有石洞其名相傳毛仙人修煉處

藥師院

匡山寺

唐貞觀中僧法雲開堂于此僖宗幸蜀勅賜中和寺寺右有李白祠

九甲

佛巖院

觀音寺

五佛寺

廣佛院

龍泉寺

蘇家觀

虎頭寺

金龍寺

報恩寺

菩提寺

龍宮寺

中觀音寺

十甲

大神廟

石家庵

江油縣志

卷上

四

江油縣志

職官

國家一命之士例得附載職官然非為寵異而已或
司民社或掌教化其所建白雖不必盡登名官
但後之覽者可稱曰某某一二事功德在人亦
庶幾斯志之不朽也志職官

知縣

宋謝伯林嘗興水利開赤甲堰
書養生塘三字石刻

江油縣志

卷上

五

元李彥文至正年任建學高
堂里養士愛民

明周伯汶詳名
宦

文、理詳名
宦

安和景泰
年任

張登成化年任立學
廣教邑人稱之

桑時用成化年任
始築城

馬月輝成化年任
繼完城工

潘大武詳名
宦

余槐 嘉靖年任 禱雨有應 民

王向葵 嘉靖年任 涪水泛溢 築雙林堰 蓄洩得宜

江曙 嘉靖年任

周資 字少泉 楚人

葉自新 萬曆四年任 修葺城垣 增益雉堞

安祚 萬曆十六年任 作城串房環以濠

岳宗 詳未

國詹履道 江南寧國人 歲貢 康熙元年任

江油縣志

黃極 詳名 宜

萬瑞麟 山西長治人 監生 康熙二十二年任

劉秉智 順天大興人 官生 康熙二十六年任

萬維賢 河南封邱人 丁酉舉 康熙三十二年任

于有慶 詳名 宜

李若元 山西靜樂人 癸卯舉 康熙三十八年任

陳圖 字苞文 江南江寧人 歲貢 康熙四十一年任 陞知州

朱樟 字鹿田 浙江錢塘人 己卯舉 人 康熙四十六年任 鋤強興學 安集民人 陞主事

王士穎 詳名

彭 趾 字基士 江南溧陽人 辛卯舉人 始修邑志

李 愉 字廷怡 山東利津人 拔貢 雍正六年任

陶繼潛 順天大興人 庚子舉人 雍正八年任

陸 翼 江南青浦人 癸巳進士 雍正十二年任

魏 文 順天大興人 癸丑進士 乾隆三年任 改縣署大門南向 卒殯于邑西山

萬 詢 湖廣麻城人 癸卯舉人 乾隆十一年署重 修三堂 詳天倉 乾元觀 常住作義學 膏火

楊輔相 字錦峯 浙江歸安人 丙辰舉人 乾隆十二年任 移建 文廟

江油縣志 卷上 三

曾曰瑞 江西南昌人 監生 乾隆十九年署

張永泓 直隸清苑人 乙卯舉人 乾隆二十年任

王 鈞 直隸肅寧人 拔貢 乾隆二十二年任

瞿緝曾 字熙仲 雲南楚雄人 己酉舉人 乾隆二十二年任 續修邑志 城垣武廟書院

主簿

明陳良 嘉靖年任

錢 銳 嘉靖年任

張煥南 湖廣沅陵人 萬曆十三年任

巡檢

朝國
曾承勳 河南滎陽人 監生 雍正十一年署

辜省齋 浙江平湖人 吏 員 乾隆四年任

馬秉彝 順天大興人 供 事 乾隆七年任

張元成 浙江仁和人 供 事 乾隆十年署

范大猷 江南元和 人 吏 員 乾隆九年任

王基 山東海陽 人 吏 員 乾隆十年任

周應元 順天宛平 人 監 生 乾隆二十三年署

江油縣志

卷上

吳均 順天宛平 人 監 生 乾隆二十四年署

陳士英 順天宛平 人 議 叙 乾隆二十五年任

典史

明董子成 景泰 年 任

姜綱 天順 年 任 奏建城垣

孟添祿 嘉靖 年 任

董大 嘉靖 年 任

侯北 嘉靖 年 任

朝國許爾爵 康熙十一年任

黃起有 陝西華州人 康熙十九年任

李樹聲 陝西富平人 康熙二十四年任

文楓 陝西富平人 康熙三十四年任

鄒元錫 浙江山陰人 康熙四十二年任

魏公韓 直隸成安人 供事 康熙四十五年任

崔生璣 直隸唐縣人 康熙四十八年任

徐騰蛟 江南宣城人 供事 康熙五十七年任

江油縣志

范大成 雍正七年任

周琬 雍正七年署

王化貞 陝西甘泉人 乾隆元年任

王弘道 順天大興人 乾隆七年任

金明達 順天宛平人 乾隆十年署

江泓 順天宛平人 乾隆十年任

葉芳評 江西新建人 乾隆十九年署

茹錦 浙江山陰人 議叙 乾隆二十年任

吳均 順天宛平人 監生 乾隆二十六年署

徐愷

驛丞

明王世祿 嘉靖年任

劉宣 嘉靖年任

教諭

明饒旭 正統年任 興立學校

李藻 詳名 嘉靖年任

江油縣志 卷上

周俊 嘉靖年任

忠言 嘉靖年任

國朝程遠 井研人 丙子副榜 康熙四十二年任

唐叔度 綿竹人 歲貢 康熙五十九年任

陳幹 定遠人 癸巳舉人 雍正二年任

熊游 宜賓人 恩貢 雍正九年任

吳維英 忠州人 丙辰恩科 舉人 乾隆七年任

楊京遠 興文人 彭明訓 導 乾隆十年署

李維林 彭水人 己酉副榜 乾隆十六年任

白璫 新都人 恩貢 乾隆二十年任

陶景璠 華陽人 丁酉副榜 乾隆二十一年任

陳鐸 太平人 恩貢 乾隆二十二年任

祝岷 洪雅人 進士 松潘教 授 乾隆二十二年署

彭仁 巴縣人 拔貢 乾隆二十四年任

訓導

明劉萬 嘉靖年任

江油縣志 卷上

葛勝芳 嘉靖年任

國朝趙晉 新津人 歲貢 康熙二十六年任

王英才 井研人 歲貢 康熙四十一年任

饒士盛 資州人 歲貢 雍正六年任

陳明書 隣水人 歲貢 乾隆十年任

王猷 南充人 歲貢 乾隆十九年任

嚴永孝 雅安人 歲貢 乾隆二十五年任

江油縣志

選舉

蜀中山水奇秀夙號才藪而散在列邑科甲或不少概見何與大抵瑰奇磊落之英金馬玉堂之士皆川嶽之氣厚積其盛以流光也志選舉

進士

宋楊邁 政和

陳大器 一作大臨 紹興

陳華 紹興

尚宸午 一作震午 嘉定 五二

江油縣志 卷上

張靖 淳熙

明丁城 永樂 丙戌科

徐忠 宣德 丁未科 歷主事

戴仁 嘉靖 辛丑科 歷主事

舉人

明衛信 洪武 科 歷知府

雍天福 洪武 科 歷鴻臚寺序班

丁城 永樂 科

丁璫 永樂 癸卯科

徐忠 宣德 科

辛和 嘉靖 科

戴仁 嘉靖 科

吳國璉 崇正 科

李文蔚 崇正科

國朝 楊廷杰 順治辛卯科

楊芳春 雍正癸卯科

武舉

國朝 傅名世 雍正己酉科


趙光宗 乾隆丙子科

唐中言 康熙甲午科
平武撥入

鍾音 雍正己酉科

羅大綸 乾隆癸酉科

熊維翰 乾隆庚辰恩科



江油縣志

成均

本朝野無遺賢鄉會試外復有恩拔歲副孝廉方正
優生之舉其仰副旁求而爭自樹立者勳名亦
時與科目埒嗟乎士生今日何其幸也志成均

貢

明辛萬選
官郡博

宋及第

恩貢

江油縣志

卷上

五四

國朝舒紹董
元雍正

楊恒年
元雍正

袁尚錦
元乾隆

鄭光斗
十四年

唐帝臣
十五年

瞿南來
十七年

拔貢

國朝韓紹愈
元康熙

袁神采

洪元遵
元雍正

宋炎
六年

吳昆
六年任
知縣

洪天育
元乾隆

王世良
六年
邑士多所造就
品行端方

楊學朱
六年

李培元 十八年

歲貢

朝國 呂大章

彭作哲

何勇

王綱肅 二十年

王瑾 二十年

楊光雄 三十年

江油縣志 卷上

湯若霖 三十年

何養邃 三十年

張鳳翼 三十年

李讓 四十年

羅傑 四十七年 順慶府訓導

焦蓄德 五十年 訓導

梁彩 五十年

熊興周 五十年

羅基充 十八年

陶俊

李猶龍

羅雲繡 康熙十年

楊茂蘭 二十年

江岱 三十一年 訓導

羅經國 三十三年 訓導

熊作哲 三十年

筮聰 四十一年 南江訓導

趙大成 四十年

石懷瑾 四十年

許銑 四十九年

趙大猷 五十年

任文 五十四年 訓導

何其遠 五十七年

筮兼善 九年十

李春茂 六十年

楊廓雄 六年十

趙晉元 雍正元年

馬儒駿 二年

張維典 三年

賈文達 四年

黨尚雅 六年

薛光宗 六年

李育世 八年

舒謨 乾隆元年

羅瓊 元年

舒展 五年江安訓導

宋儒 八年

苟容 九年

王朝英 十年

江油縣志 卷上

五

楊珣 十六年

呂廷楷 十七年

江緒海 十八年

楊芳聲 二十年

熊朝輔 二十一年

宋炳 二十一年

宋炯 二十一年

甯愚 二十三年 以孝行著

監生

明安繼祖

鄧萬邦

孫逢吉

江油縣志

流寓

山水秉天地之靈人材毓川嶽之秀邑有奇傑
自命而已然名人哲士時或來遊來歌則勝際
益彰而流連慨慕之間風教亦多助焉志流寓

宋米芾

字元章吳人號海嶽外史有書李太白題江油尉廳詩石刻今存城隍廟

元丁古山

名未詳湖廣黃州人元舉進士避亂偕馬西峯訪道天倉山洞

馬西峯

名籍未詳

江油縣志

卷上

五七

郭文涓

字稚源閩人號錦屏仙史又號三山道人嘉靖戊申有遊大匡山詩

余坤

楚人嘉靖辛亥有遊圖山詩



江油縣志

仙釋

二氏之教自儒先論之則曰人其人火其書而後快顧人心所向至遍天下後世勝地名山率皆之人之宇豈神道設教固有感人於不自覺者與志仙釋

古普賢大士 駐錫觀霧山欲立道場因山高風烈故募建鐵瓦為殿後知福緣難集遂凌空謝眾而去留雲裡整衣四字于石至今傳先有觀霧後有我眉之語

江油縣志

卷下

唐法雲禪師

號長眉僧于匡山中和寺開創經堂道行遠播又宋時有僧道園結亭檜下吟詩

刻石淳熙癸卯遂寧楊世方為之書簡池劉伯熊跋

竇真人

名子明江油人為彰明主簿後棄官隱于竇坪未幾至圖山脩道抵仙女橋見一女

人磨針因問之答曰鐵杵磨繡針功久自然成遂感悟復歸圖山怡神養性三載白日昇天今塑像俱存乾隆戊寅歲知縣瞿緝曾祈雨有應敬題仙膏粒我匾額

毛真人

在太華山修煉道成仙去至今有太華觀乃其遺蹟

元張真人

即張三丰名通號元元子陝西寶雞人隱太乙洞元末黃州丁古山馬西峯變服遠


來欲訪以道三丰引入洞二人遂留任于此洪武壬申嘗應蜀獻王之召今洞內有塑像



國破山和尚
 名明江南人或云川東人駐
 錫圖山能書善吟甚有禪行
 了然和尚
 陝西人創修圖山頗有法力
 轉運工料知縣朱樟有碑記
 瑞生和尚
 江油人幼入圖山今七十餘歲沉靜寡
 言能率其弟子天聰修廟宇渡索橋履
 險若夷疑
 有神助云

江油縣志

卷下



江油縣志

風俗

風俗與化移易有自來矣然書云既歷三紀世
變風移則司土者久於其任

國家之善政也矧如江邑五方風氣日且駢臻固未

易言釀化者哉志風俗

尚儉務農不競詞訟

府志

橫經負耒士有古風惡衣

陋室人無侈志

舊志

近則人多雜處風異昔年江右

江油縣志

卷下

三

楚秦為甚黔陽閩粵次之

江油縣志

物產

布帛菽粟之生古今之大寶也然日用而外山川所產或此有而彼無或此美而彼惡則又靈毓之氣生是使獨者地以物傳宜加詳焉志物

產

五穀

稻

梁

菽

麥

蕎

粟

芝蔴

千歲穀

江油縣志

卷下

四

布帛

絲

綿

絹

布

麻

飲食

茶

酒

油

蜜

鬼豆腐

器用

金

唐志龍州貢
金產涪水

鐵

硝洞產岩

磺

產三山

楮紙

石

燕子

產三山頂

龍頭竹

杖產觀霧山

蔬菜

瓜 菜 薑 葱 蒜 韭 芥 蕨 茄 蘿蔔
瓠子 葫蘆 野芹 苧蒿 芋 莧 春不老
頗陵 莞荳 薺 藕 倭笋 扁豆 四季豆
刀豆

花果草木

梅 桃 李 杏 梨 櫻桃 胡桃 栗 棗
蒲萄 石榴 白菜 木桃 香椽 柑 木蘭
牡丹 芍藥 海棠 山梔 薔薇 木槿 桂
江油縣志 卷下 五

棣棠 荷 莎羅花 碎剪羅 葵 蘭 蕙 萱
玉簪 菊 嬰粟 蓼 秋海棠 長春 金盞
十日紅 滿山黃 水仙 草茉莉 蝴蝶花 十

姊妹 鳳仙 鷄冠 旱蓮 小桃紅 刺梅 美
人蕉 月季 木香 水紅 芭蕉 仙人掌 金
絲荷葉 龍瓜 書帶 鳳尾 松 柏 竹 桑
椶 楊 柳 白楊 槐 椿 冬青 檜 棟

青岡 救軍糧

禽獸

鳩 鷹 雉 烏 鶯 燕 鶯 百舌 啄木

鵲 鴿 雀 畫眉 八哥 姑惡 報春茶一名喚起

鷄 錦鷄 山鷄 鶩 鴨 鷓鴣 鷄 虎 豹

狼 熊 鹿 猿 豺狗 野豬 獐 兔 盤羊

野羊

鱗蟲

魚 蛇 鱉 蝮 蛙 蟬 蟾 蟹 蜂 螢

江油縣志

卷下

六

蝶 蜻 蜓 蟋 蟀 蜘蛛 蠅 蚊 螳 螂 蚓

蜈蚣 螻蛄 蝻

藥材

土大黃 沙參 麥冬 天門冬 半夏 牛膝

菖蒲 車前 香附 地丁草 草麻 蒲公英

白芨 椒 柴胡 前胡 瓜蒌 山藥 百合

紫蘇 夏枯草 益母 牛蒡子 枸杞 茵陳

金銀花 馬兜鈴 木通 木賊 紅花 地榆

江油縣志

藝文

蜀之作者賦有馬揚詩有陳李其聲端矣而李則生長漫水之濱讀書匡山之岫者也前指在望景行自不乏人惜兵燹後傳什一於千百而已志藝文

文

重修匡山中和寺碑記

景泰四年

教諭饒旭

旭

江油縣志

卷下

七

江油西北數十里許有山曰大匡屹然特起樹木蒼翠其後羣峯若蹲若馳四面諸山或起或伏磅礴扶輿勢若拱輔環而視之奧如曠如誠清淨無為之所宜高人釋子之樂棲也予嘗登高一望欲挹大清淑之氣而擴其懷抱復見殿宇轟雲佛像煥燦異香馥郁山花艷麗超然自失恍不知塵世之事為何如者嘆賞之際有二僧出而左右之審其所自各言其名乃住持中和寺悟通悟體也夫寺肇自宋元有菴無

殿爰及我朝永樂四年始修正殿三間乃其師明鏡
偕徒悟忠等所為明鏡勤修三十餘年不下山門明
心見性事多前知遠近謁見無不欽禮可謂無媿如
來教法迨明鏡與悟忠相繼圓寂所賴有悟通悟體
在通之修行心本師傳體之經營志在修葺觀音殿
創自景泰紀元天王殿又自去冬肇立佛像粧成金
碧相映以及地藏之莊嚴羅漢金剛之森列不惟殿
宇一新且復山門聿起是皆通體苦行堅久有足感

江油縣志

卷下

八

動人者故能走鄉民陶磚瓦運木植鳩工匠更制度
大規模于以光前于以裕後非僧中之傑然者乎工
畢思以碑紀實而悟通忽于夢中得昔賢太白之碑
抑何異耶不知人有善願天必啟之矧通與體心誠
功積神佛靈貺自有以鑒之是以默相證應而昭告
于寤寐中也嗚呼世之士農工商苟能以二僧之心
為心則何事不濟以二僧之行為行則何業不成哉
予重大舍安繼祖之請因述其山之巍我幽奧與寺

之始末興劇俾入于石以垂永久云爾原文稍改削

遊天倉洞記

嘉靖壬子 保寧府葉松 惟喬 同知

洞在江油西四十里天倉山上志曰太乙真人所嘗

居名碧雲宮又曰洞中畜石細白如未麵故名嘉靖

辛亥予承乏保寧閱郡乘異其事無緣一登之以徵

其說明年壬子督餉江油時聞賢士大夫稱道天倉

洞之勝乃七月戊戌約郡博致仕竇坪辛子萬選國

賓鳳山鄧子萬邦鄉進士蓮洲辛子和往遊焉山路

江油縣志

卷下

九

多歧以無鄉導為慮適黃冠甯然子來謁自謂嘗住

洞中乃挈之同遊出城西十餘里渡雍溪即廢雍州

之墟再十里渡白滙溪止康濟龍神祠溪自北岩壁

上瀑出先積為滙而後為泓壁色正白相傳元延祐

庚申旱甚勅使祈龍而雨乃建祠賜金額又西循獸

目溪上碑厓幾十里渴甚趨一山人家索茶小憩竇

坪苦熱不能相從遂止予四人直跨巖下張家壩望

見水自西北來晶然有聲窅然子曰天倉溪也沿溪

磽礧中下馬披荆棘北行五里更望石壁橫亘蔽天
窅然子曰洞山也又五里抵天倉觀扁曰碧雲行宮
宮中有老子像徧真詢之觀主丁氏馬氏謂其先人
丁古山黃州人元末舉進士避亂偕鄉人馬西峯變
道者冠服卜是洞以居壑洞之麓以食子孫世以為
業若然古山西峯亦有見者也時已晡解鞍舉酒酒
罷月出山空籟歌掃榻高卧簿書之餘可謂清造相
與亟論二氏之與吾儒所以異同或舉忘無可忘無

江油縣志

卷下

十

無既無真常應物如露如電萬形有盡惟理不朽等
說要非章句書生可以易易譏評又舉羊叔子之探
環王孝先之夢沂國范祖禹之夢高密皆吾儒者之
先達不知何為其然也夜分乃寐已亥夙興直北上
矩折而東過轉藏坪鬼門關躋五華石雙柏下一老
僧執瓣香迎謂曰吾主此洞幾五十年迎送有戒不
越此石蓋亦聞遠公虎溪之風者隨之行百餘武造
一小佛刹甚莊嚴石像皆元宗以前故物坐定襲衣

進飲食蓋洞中風氣衆烈久暑之體率以締絡當之
恐為寒所侵蓮洲素不勝酒亦勉強舉白而後起又
百餘武造洞門高可十丈廣稱之石色正如白漚四
凸仰覆斷續曲直千態萬狀又非雕琢刻畫可施其
巧東進數百武風景如冬黯如晦東燭又數百武漸
隘如門低不滿三尺踳踳以入風愈勁能滅燭預藏
火以防之俗呼為風門非也洞中皆風洞狹而勁勢
使之然也過此高廣如初入時又低隘又高廣如是

者三勢漸下聞水聲鏘鏘然洞主曰此天生橋也橋
下水漸南下復有橋水愈下不可行昔蜀藩索繼人
執燭下數十丈不可窮乃止又嘗以物投水中驗自
白漚穴中浮出所謂仙米麴者洞中在在有之意者
風化石髓而成之遊人嘗和麥麴煮食之則長飽不
化亦物理之自然不足怪惟石之奇有太乙真人靜
定處有張三丰藏身處有蟠龍形有象鼻形有爛柯
石亦皆時人因其似而神其說也出至洞口登天仙

樓煦然如春洞主夏則居古像殿冬則居此樓以乘其旺氣蓋復始之理為之井泉且爾况洞中大者乎趨避寒煖變置冬夏信乎洞主受用之別也啟窻遠眺石泉以南龍安以北諸山先後如班行戢聯如僚屬頽如揖仰如侍下如拜坐岫嵒如揖高低間錯莫不靜好天倉溪水環抱山麓左右二翼氣欲飛動衆皆歎曰奇哉宜乎太乙真人之所居而以宮名之也坐翫移時不忍去無奈身繫于官勢不容緩乃出洞

江油縣志

卷下

十一

洞主送至五華石而別扶掖以下至行宮曰又哺衆且言倦復止宿馬中夜雨從者曰苦昨不行也雨而後行奈溪路險何庚子質明雨止且添一段新涼神清行健不覺有去時之難者至前索茶人家荒度山路自此盤折陟山之椒過無蓋寺斬木為閣道度懸厓至洞不過十餘里何乃枉爾數十里耶窅然子曰所度正弟子昔所遊者久無高人登臨閣道就圯遂成榛蕪修復之固無難也行近龍祠南山廉纖作雨

意甫入祠雨大作象相慶曰幸勇著一鞭不爾不沾
濕耶炊鷄黍飲已命駕雨忽開霽蓮洲曰暑溽而雨
伏天之恒使已亥而雨耶則洞山不可得而遊矣使
庚子而雨也則溪徑不可得而行矣甫入祠則雨及
出祠則止能開衡山之雲夫子之謂也予咲曰有是
哉適然耳是日至止公署辛丑咸來會各矜其所見
之勝竇坪曰惜吾中道而止也予曰試為子述之子
以耳為目可乎天下山水皆自崑崙而發蜀距崑崙

江油縣志

卷下

十一

不知其幾距岷山則密邇矣蜀之山水皆自岷山而
發岷山之水為江之源山而顯者曰霧中曰鶴鳴則
江以西之勝者也曰青城曰天倉則江以東之勝者
也他山無論天倉左帶雍溪右帶本溪疊宕至太乙
又疊宕至大匡至石磬而後止大匡石磬之南絕無
奇峯而太乙之南奇峯逾百故山水之靈不勝于太
匡石磬而獨勝于太乙此天倉洞之大凡也語未既
蓮洲曰洞與大塊同關於丑三皇以上姑置之蚕叢

而下殆五千餘年豈無達人高士一嘗曳屐于其上
至于今寂寥無聞焉無紀刻之過也吾五人者約同
遊至而遊者裁四人人生萍梗飄蓬安知明年聚散
何處遊與不遊皆陳迹矣不有說以紀之則後人他
日之惜我輩不猶我輩今日之惜前人乎夫子盍記
之使遊與遊而未至者皆得以傳如之何予曰言之
不文傳之不遠地因人勝非以文焉爾吾與子之茲
遊也始焉時與興遇情與景遇山經水緯舉目即自

江油縣志

卷下

十四

然之文奇實偶虛觸類皆無言之易大樸之質子焉
而獨存無極之正居然而可玩既而時移則興已情
適則景寂訝斯遊之莫追慨浮生之若夢淵淵乎直
欲與造物者為徒鐘鼎竹帛不知于我為何物如斯
而已詎能抽繹雋思以為文膾炙斯世以祈傳哉蓮
洲曰言必有物而後為文文不必工而後可傳斯亦
可以為文矣可以傳矣遂命工而鵬之

重修樂靜菴記

嘉靖二十二年

邑人

辛和蓮洲

環江油皆山也惟白魚山則雄峙西北如鸞飛鳳舞
自天而下分降合止狀似平湖疊嶂重巒四面旋繞
盖一方之勝槩也成化間秦僧照空雲遊入蜀見茲
山水之美結菴其間靜坐不出者凡三年時則林莽
茂密山野寂寥鹿豕往來遊卧于側照空危坐自如
若與鹿豕相忘者人敬訪之居士衛覺聰遂舍茲山
因與其徒寂惠寂明建釋伽殿一觀音殿一左右廊
各一名曰樂靜菴未幾空師端坐而化正德二年徒

江油縣志

卷下

十五

寂明親赴禮部關受度牒十二年復建天王殿一祖
師龍神殿各一然猶病其規制狭小嘉靖二十年因
觀音殿傾圮遂出其土之所入斬木于山採石于原
革其故而鼎新之經始于辛丑十二月落成于壬寅
五月然後一菴之中殿堂門廡廣大悉備可以邁前
修而利後學矣予惟佛西方之神也自漢入中國而
其教盛行于天下人尊信之至于今不衰雖其空虛
寂滅之說至誣世界乾坤為幻化而不復以人倫為

重然以無念為宗無相為本廣大慈悲為德凡世之
顛連而無告者得以藉其教業其業食其食以終其
身固有羣聚作慝之事則所以陰翊王化之不及者
至矣故我朝開國之初凡淫祠不在祀典者悉毀去
之而惟寺獨仍其舊蓋為此耳夫立之像以象教傳
之經以言教秘之旨以心教如來之法也始之由象
以達其意繼之由言以悟其精終之明心以鉤其元
學者之事也今茲有地可為矣循若法以證若果當

江油縣志

卷下

十六

不勉為之乎夫如是則頓悟圓通直超彼岸斯菴之
建不惟于諸佛有光而澹泊無為之風可以回嗜利
無已者之習其為王化翊者豈淺鮮哉寂明俗姓衛
氏本縣人生時母茹葷則竟日不乳及長出家剛果
有志且能事親友弟為鄉里所稱所謂墨名而儒行
者徒然朋然友亦相與竭力贊襄共成其事法得附

書云

重修超然亭暨東嶽殿記

康熙十一年

邑人楊廷杰

余嘗讀坡公超然亭記而知身遊物外無徃而不自得然未見其地之超然也縣東北十五里許有圖山者晉唐彰明簿竇子明羨其風雲所摠山川所帶幽岫窮崖人獸兩絕棄官修煉于此脫蛻崖間故以竇冠山名雙峯並峙左崖建竇真寶殿右崖建東嶽行宮自宋元迄今兩岸天塹無路可通相傳云子明繫鐵繩二條以通人跡躡鯨鯢于海市駕虹霓而蜿蜒

江油縣志

卷下

十七

傳維誕而竇竒坪下有飛天藏元真觀化主殿清虛觀三清觀炳靈宮由此而登花鳥送人名曰境入蓮壺再登人從隙過名曰人間天上三登人與雲遇名曰碧雲洞天四登山如刀截而復斷名曰昇仙橋躡巔四望無際山水齊觀春淡冶如笑夏蒼翠如滴秋明淨如妝冬慘淡如睡誠山之超然者也萬曆時龍安司李朱諱仲廉登眺其間見長烟一空皎月千里心曠神怡惜無止息處因建其亭想有鑒于坡公而

名之歟越世已久傾圮更甚余讀書覽九山勝槩覺
茲山不減太行孟門登臨其地蓋珠紫府或不是過
心欲繼朱公而修之適道人元真深合余意因捐貲
令其經營托龍安生成其美採水東山之陽里人張
舉命匠鳩工始于康熙七年春及秋事竣見東嶽正
殿中梁朽爛其功似急于亭但所費尤大力難兼舉
因押疏持鉢有龍安民張榮藩邑生余人牧并山主
蔣通等力為肩任考道經云廣乘之山天之東嶽也

江油縣志

卷下

六

主歲星之首居九五青天之內茲山雖不足以比隆
使行宮整飭操出生入死之柄持福善禍淫之權其
應如響疇敢吝惜而功弗立見焉康熙十一年四月
告成似與太行孟門無異所不若者宮闕樓觀不獲
為名公賢士所品題耳余不敢謂一笠之蓋可幾獲
福然山不在高有仙則名福非神作抑人之自為作
也後之繼志者當有感于斯言

原文
改削

二聖祠碑記

康熙五
十二年

知縣

朱

樟

鹿

江油當漢季時為蜀西南名郡相傳武鄉侯拒兵祈
連魯以重兵保障綿竹諸路茲地非其咽喉歟昔攷
蜀志漢壯侯獨不一至蜀其所封漢壽故區即今之
廣元地相去此鄉不下三百餘里侯如有神其心豈
須臾忘蜀哉蜀之祀侯者郡縣各有廟江城介在荒
穢無復修舉邑人之祀侯者每歲制草芟荆為一席
之地巫祝其間歌吹上下毋乃太褻予宰江油之三
年就其地立廟而配祠文昌取文武並尊之義夫張
侯以孝友克家為鄉之賢達與壯侯之忠義遙相頡
頏宜其兩侯並席如聯璧然也向使兩侯仕或同時
生身不壞一旦握手締交相得歡甚有不色飛神舞
願結芳隣者必非情已廟既成虛中楹為朝賀慶
祝之所移香林寺之位巍居城中綵仗繽紛泥金繪
座務使尊嚴屏迹野外作敬作忠之思將于是乎在
後之君子嗣而葺之庶斯廟之不朽也

城隍廟碑記

康熙五十五年

前人

嘗攷祀典有功德于民則祀之能捍大災則祀之春
而祈年秋而報功歲凡一舉郡縣之祀城隍蓋亦祈
報之遺與江油之立廟也叙于康熙六年之丁未前
邑侯詹公履道構殿三楹越四十餘年椽題朽落瓦
甬傾禡神之宅幾成穢墟矣予宰茲土之五年入其
庭每顧而傷之為興復計竊自揣謂必輦致山水陶
范土埴疲竭人力以期必濟毋乃傷厥財而勞我憚
人何哉邑之諸生耆老持疏而請曰邑中之事幾繕

江油縣志

卷下

二十

完矣惟茲神廟上漏下濕風雨不蔽人且不堪居而
用以妥神褻玩竇甚况神之有功德于江油實殷且
渥也盛夏旱乾深秋水潦窮冬密雪侯以是祈神即
以是應縣無惡歲人和年豐百役斯興誰與怨恫跪
而言不允請不敢起也予乃欣然喜曰吾意決矣捐
貲為士民倡各輸金謀重建焉工始癸巳迄丙申自
殿庭而左右廡而門而垣更立寢宮張厥舊制袤其
丈尺廣其軒楹鐘鳴鼓應響震城郭凡四年而工成

人有不畏官長而畏鬼神者衆矣謂鬼神之禍福之
甚于桁楊也世之訟于官者若卑其堂廉減其牙爪
汰其冠帶就訊者莫不額語而目張陋其貌之不足
生畏也况乎理幽事之神祈禳秘祝者哉廟列多像
東西十司分領善惡昭其威也簿書功過鏡別妍媸
剝燒春磨備極慘毒羅地府之窮竒鑄山林之不若
莫不執像教以教之使愚夫愚婦鼻口相呀髀股交
戰凡長吏告誡所不逮者入廟而懺之莫不欲以解

江油縣志

卷下

二

脫之恩資其冥福則勸懲之典默成此舉家諭而戶
曉除暴而佑仁觀于廟而知王道之易行也邑之中
鰥老童孺填滿城市舞躍惟呼請建碑記石垂億萬
祀人無妨工家不墮財相彼樹木鬱然而陰也交乎
堂室燦然而暈也神之格斯有不顧而樂之歟夫興
廢舉墜有司之職也今有搢緣募金膜拜化主謂緇
黃浮屠者能之而郡縣吏乃不能焉抑何材力之弱
且未耶廟田若干勒于鐘右後之君子有功德于斯

民者亦于茲廟加其塗葺焉可也是為記

竇圖山東嶽廟碑記

康熙五十五年

前人

圖山之絕頂有傑閣焉飛甍四起層崖高張要必憑靈爽以為之主宰山不必神而神能神之山之有嶽殿由來舊矣其神主東方判生死延壽笑龍綿梓劄之民奔走絡驛當首春時吹笙鳴鼓娑婆而饗之日以千百計而不虞廟之日即于傾圮也了然上人住錫有年病且休矣行將拂衣而去予聞而固留之謂

江油縣志

卷下

三

夫檀那之供養雲水之護持孰如上人及今不改修誰與改修者上人辭益力然而邑宰不能留也無已則請諸嶽神則其所以留上人者必最親且切乃上人病果起年愈高而貌加豐疑默相然上人雖欲不改修焉而不可得已採木于山范土于穴布置嶽體指揮匠石工將告竣矣朱門洞祀絳節高居帝勅雲開鬼呼星遁而後登絕獻者若美髮之束于簪而人見其髻也夫人有不畏人未有不畏鬼神者其居家

倨傲鮮腆一入廟而徬徨瞻顧心震目駭舉生平不可告人之事皆駢而闕伺之措身其間愧恧無地心望若神之惻然哀憐脫不測之區而丐須臾之命者屢矣則非山之靈而神從而靈之亦非神之必欲靈其山而乞恩于山者之若或靈之也上人有徒八歲能援索飛渡百丈繩橋捷若猿戲拔萋萃之峯登歡喜之岸則福善禍淫之說遍告檀越應無不合掌稱嘖者其必以是為普救之津梁也已功既成上人乞

江油縣志

卷下

三

予序以勒諸石予因叙修廟之始末以紀之

修建永安門昇東城樓記

知縣彭

此

康熙壬寅冬余奉

天子命來治江邑竊喜地小民淳之可以守吾拙也及謁

至聖先師廟見殿廡上漏下濕不蔽風雨四面竟無圍墻輒慨然有設法修築意至閱城時西門久塞祇留東南北三門又俱坍塌不堪欲為經理工費浩繁

且較之

文廟不無先後次第焉者詎意癸卯初冬東城閘決裂危石險挿行人畏足至是殊刻難緩矣然上無可請下無可捐躊躇四顧厥工維艱益信前人徃徃欲行而不果也余不揣力綿事重惟計秋收已畢冬役可興遂鳩工庀材取木于山起夫于里遵古制除用力征三日外每日各給飯錢限期告竣喜五鄉之踴躍來前者均無難色築之登登百堵皆興而廣文王

江油縣志

卷下

二

君相與董率其事所以兩月間費不及百金而城樓屹然都人士莫不稱神助焉蓋始其事于雍正元年孟冬之望後終其事于雍正元年季冬之望前也夫莒城不修春秋譏之余惟蒞茲土而殫斯職敢曰金湯永固哉所望後之君子時加修葺于余更有光焉若夫城之有樓雖今為之創始亦欲令吾民知國家經制森嚴無踰短垣無鑽穴隙闔境安堵無虞云爾如謂登斯樓而山水可觀神怡心曠竟為玩遊

之地斯豈余之志也夫斯豈余之志也夫

修建長寧門拱北城樓記

前人

江邑斗城舊設四門西則久塞南路窪僻行者稀踪
其通省府驛道者惟東北西門是賴稽古東為永安
北為長寧兵燹之餘傾圯日積不獨啟閉無從且危
石欲墮輿馬往來以及徒行負擔之屬過其下莫不
慄慄生恐懼心余蒞任之初即欲次第修葺無如事
大且急而財貧力乏也雍正元年因東門圯余既盡

江油縣志

卷下

二五

冬三月修永安門建昇東樓矣顧茲北門較東難甚
郭外無居人一望荒烟蔓草十餘里不聞鷄犬聲非
先創立市場招徠貿易不可乃廣為勸諭遠近雲集
畫基定界躬自位置雖各竹籬茅舍而數十戶老稚
家室亦欣欣樂業焉適二年秋西成稍歉不獲倡率
舉行然余心終耿耿不置時維中秋夕偕同官司訓
王君邑尉徐君玩月城東相與商及其事咸動色咨
嗟曰事無逾此實大且急柰財貧力乏何余曰天下

事亦顧其為之何如耳君不見永安之門昇東之樓
非成之不日者乎譬人居室前有門而後無戶可乎
今幸四野豐盈詎昨歲比何難鳩工而庀材也乘月
步北相度權宜需石若干需木若干需灰瓦貨食若
干胸有成筭爰彙五壩鄉保而言之僉唯唯聽命由
是擇于雍正三年孟冬經始迄于雍正四年孟春告
竣其晨夕督率不憚風雨劬勞者實徐君之力居多
余既樂觀其成而憑樓眺望見夫山川環拱橫亘其

江油縣志

卷下

二六

前者觀霧也矗立其下者天柱也接紫龍而居左者
玉枕也引白魚而偏右者寶圖也且潺潺激石江波
溪水聲相續也鱗鱗衡宇麦田蔬圃塍相錯也以視
昇東勸農省歛無林木之蒙翳遙拱極北瞻雲就日
覺耳目尤為爽塏也因顏曰拱北不禁慨然而興曰
天下事亦顧其為之何如耳夫人艱于謀始而不究
其大短于慮終而不籌其急苟且成習無惑乎前人
諉之後人後人復諉之後人數十年來無有擬議及

之者方今

聖天子留意邊陲 各上憲歲檄修理江城彈丸未
及三里雉堞無存崩塌成徑欲一舉而新之夫豈易
易余承乏茲土量力審時特就其大且急者圖之以
期上不負 君命而下不孤民望而已雖然事之大
且急者正不止此也若 文廟之宜移 文閣之宜
建似不得以財貧力乏而姑緩焉者有志未逮倘邑
中人士肯毅然起而肩其任余將鼓之舞之復濡毫
江油縣志 卷下 七
伸紙以記其盛矣又豈僅區區東北兩樓為一邑之
門戶也哉

募建北關文昌閣疏

前 人

江邑之祀文昌不一矣或名祠或稱宮或為樓殿雖
新舊各殊然俱僻處鄉村山麓水石但需整葺基宇
固皆無恙獨閣之在城西北者自遭兵燹後蕩然無
復可因余任事以來訪諸父老僉云西北形勢山風
迅射市井氣散舊有閣以蔽突而聚秀故閣圯則西

門塞而留北門者因通龍安大道也余聞之欲倡率
復建患無措手處蓋城闌久毀郊原荒蔓即或創之
將誰與守不亦空勞財力而非可久之筭耶茲既設
場市于昨春復造城樓于今臘歲值豐亨物咸安阜
則斯閣似不容不議興矣且邑雖褊小詩書之澤未
湮也招徠之戶漸廣也其為商賈托業者亦自不乏
而顧任其衰氣乘而生聚耗不為斯土之安全計歟
抑余因之而有感焉方今琳官梵宇猶事鼎新社廟

江油縣志

卷下

六

神堂尚思修築况茲閣所奉上應台垣司文章之祿
命屏涼薄之風聲其為功于一邑者何如乃廢焉不
舉豈獨宰責亦士庶之耻哉所幸紳衿中有心者命
實園山僧勸募于境內夫合力則輕衆擊則易量其
力之所能隨其意之所願勿強勿吝此唱彼和或者
其有濟耶不然從善如登為一事必有一物出而敗
之吾恐終為築舍之謀故勉綴教語以告邑之讀于
斯耕于斯而貿易于斯者

甯孝子記

瞿緝曾

甯貢生愚江油竇坪壩人其先直隸人祖海武舉任
南昌郡千總父國棟入川娶麻氏家中壩子二長即
愚愚善讀書文字皆根柢儒先試輒高等以屬弱遠
近士人多以不獲奉教為憾其平居閉戶尚友千古
余抵任數月未一見也歲當序貢有言其不屑應者
余異之召見狀貌清癯端凝雅靜疑若古之清節士
問其故以不及早成名為父母光故無志為辭余乃

江油縣志

卷下

二九

勗以 國家之恩愚不得已成貢士松潘教授祝君
岷署學篆為言乾隆元年愚嘗舉孝廉後八年又舉
優生皆不就惟惓惓寸念舍父母無所歸戊寅冬觀
察張公巡縣祝君上其行將舉孝子以格于例贈孝
子詩二首其事竇曰愚家貧少讀書寧食粥飲以所
節奉父母毛髮齒甲之類無敢棄父病憂形于色反
哺數十日不倦及執喪一遵古禮哀毀骨立葬後作
草廬墓側既而遷其家守之不去朝夕捧盥洗侍食

如生其不經食之物不及獻之新却弗嘗也祭祀惟
謹生忌哭盡哀妻戴氏亦循循如其禮己卯夏余因
勸他事造其廬茅屋三間中奉其父母木主餘無別
物左右書史而已其子髫齡進退不失儀叩之已能
讀父書庶乎能光顯潛德者嗟乎世之徇名忘實者
多矣愚也守身事親幾於三公不可易一日之養其
清節有過人者是大可風於名教也于是乎記

太白論

瞿緝曾

王生業鴻為太白論以質予蓋緣太白坐永王璘事而發論也予嘉其意為更進一說焉太白者知章曰謫仙子美曰酒中仙是人也而仙矣豈猶夫庸夫俗子為管青手還向月終老乎女曰月終以乃能亦

中之仙必不能為謫仙之句而白也無詩不仙即無時非酒無詩不酒即無時非仙仙寓之乎詩詩發之乎酒有酒有詩太白人也而仙矣天子呼來且不上

江油縣志

卷下

三

船何知夫永王璘哉是故子儀之忠不能為白也罪代宗之明轉以為白也官非狗才名非憐遠竄知白之為謫仙也酒中仙也浮雲於富貴者也世無知白盍與之醉斗酒而誦白也詩

栽花處賦

前人

壬寅之臘余初入署荒穢盈庭垣壁不墾門雖設而
難闕憲脫櫺而僅具敗几破榻舉眼惟天狂流激湍
觸耳疑雨而何有于花木又何情乎園圃爾乃勤為
灑掃徐為修葺因陋就簡補罅避濕經之營之苟完
粗給遂散步乎堦除斯種藝之是及爰有蔬圃在署
之右分十有三為圈為廐課畦丁以芟薙蒔瓜壺而
應候時惟菜根可咬不覺肉食堪陋中餘隙地形限

江油縣志

卷下

三

崇卑崇宜築室卑宜鑿池相度積歲乃使工帥深及
二仞沙石莫施慨原泉之不得奚多事而強為余興
索然匠勞不憚請以石甃固以灰墁欲罷不能悉由
其美顧安得水乎對曰以井灌不日成之僅與掌同
規建一亭計料命工工謝不逮余力亦窮乃折故屋
豎其上以畢其功或曰陋如之何余謂愈于無而已
奚必翬飛而棟隆周匝編竹間植野卉簿書之餘解
帶從倚朝斯夕斯觴咏是理面千疊之青山俯一勺

之碧水來三徑之賓朋樂四時之紅紫額曰栽花處
免俗聊爾爾當夫春日遲遲陽和布令桃李爭芳杏
柳交映木瓜先蘋果舒妍香椽後海棠開盛于斯處
也則有蔷薇壓架枝纏七里香濃棠棣盈屏妝洗一
簾梨靚者矣及夫長夏方炎赫曦肆虐畝堆罌粟階
翻芍藥蘭蕙如釵結素心蒲萄似乳張青幕于斯處
也則有數柄芰荷上下蜻蜒戲舞五色茉莉招邀蜂
蝶來謔者矣若乃秋風響籟爽氣朝臨黃飄金粟白

江油縣志

卷下

三

放玉簪萱號宜男光耀日葵能衛足錦成林于斯處
也則有腸斷佳人應羨榴房多子甲膏菊婢常憐勝
友同心者矣至若節入三冬寒生亭沼甘露囊垂冰
梅妝縞大夫五柏雪常封君子千竿風自掃于斯處
也則有霜花一族稱萬壽以獨豐天竹等觀救千軍
而共飽者矣他若牡丹富貴書帶吉祥此稱姊妹彼
喚鴛鴦仙人擎掌鬼白流漿鷄冠種別蝴蝶夢長朝
榮紫槿閨厄黃楊又若月季時芳刺梅香馥雪裡丹

珠霜前赤穀孤頂早蓮繁生蘭菊百合粉凝小桃紅
簇絲絳金荷紗剪秋穀以及鵲噪棗華鳩酣桑葢滿
天燦星徧地鋪錦梘白亭亭蕉紅荏荏金銀氣馨櫻
桃味稔水仙寄愁合歡蠲忿茲更引帶點綴莫可形
容悉盡者也于是屏塵累遣愁魔暢登眺玩薜蘿猿
掛樹鹿眠坡花逸砌魚躍波俯仰適景物和顧雲山
矢嘯歌歌曰三載天涯兮誰與徒數椽托足兮聊卸
吳不雕不琢兮障籬篠宜晴宜雨兮茂花蔬猗歟傳
江油縣志 卷下 三

舍兮似隱居余號半隱兮夫豈誣重曰鷄肋一官兮
寄迹邊城江鄉萬里兮魂夢生 住難住兮欲行

難行鬱鬱處此兮何以適情手自栽培兮學圃學耕
時際大有兮四野風清願借黎庶兮鼓舞昇平羗得
句以為對兮懸乎前後左右之楹俾後之君子知所
自兮不等于鳥有與無名

詩

別匡山

唐邑李 白

曉峯如畫碧參差
藤影風搖拂檻垂
野迳來多將犬
伴人間歸晚帶
樵隨看雲客倚
啼猿樹洗鉢僧
臨失
鶴一作鷺池莫怪無心戀
清境已將書劍許
明時

題江油尉廳

前人

嵐光深院裡
傍砌水泠泠
野燕巢官舍
溪雲入古廳
日斜孤吏過
簾捲亂峯青
五色神仙尉
焚香讀道經

遊竇圖山歷明月關
俱有羅西華題蹟
時聞西

華從長陽告歸
缺二字
懷望賦此

江油縣志

卷下

三五

明胡直

竇圖山外隔仙踪
相傳竇子明
明月關頭路幾重
遙

望故人思故國
且從高躡躡
高峯千尋飛
機天為畫

萬折危巒鳥不逢
獨羨使君歸
計早島前誰共挹
孤

松

秋日同戴西巖遊大匡山
覓李太白讀書臺懷

弔四首

明闕
郭文洵

清秋小隊覓匡山
弔古懷賢積翠間
百代才華驚白

眼十年書屋擁青鬃鳳輝此地金星降鯨駕何時碧
海還辰拜英靈泣涕淚仙魂應繞野雲間

詞客西遊訪謫仙風流遺像儼依然調高寡和真堪
勸才大難容更可憐今古詩名懸宇宙江山文藻麗
雲烟屋梁落月疑顏色藜燭還看燭井躔

巖岫逶迤綺樹幽書臺岑寂枕丹丘青山有淚酬千
古白鶴何年返十洲後逸絕憐才命世豪雄猶覺氣
橫秋賞音異代慚知己啼鳥哀猿弄客愁

江油縣志

卷下

三六

縹緗蕙積翠微巔若蹟追尋杖履前忘却乾坤惟酒
肆收將江海總詩篇風塵獨立人瀛島時事休關世
葛天指點長庚霄漢迥玄扃何處躡青蓮

遊竇圖山二首

明楚
余坤

峭壁千尋倚太空六丁神斧顯鴻濛劈開混沌陰陽
骨剖破乾坤奇耦蹤寶劍斬空峯自闢仙橋繫鎖路
難通子明從此飛昇去薄足玄溝瞬息中

丹崖立削聳萬仞真境奇觀駭閭公鳳闕前覓洞

府竇仙山頂
邈玄風迴旋
烟霧身同幻
吞吐雲霞氣
似虹避世叅
同成吏隱洞
簫吹徹碧天
空

竇崗山漫吟

破山和尚

重岩之下草莽日
交人影不來
黃葉飄飄谷鳥晚啼
山月夜高松露鶴飛濕我禪袍

抵江油任四首

知縣朱樟

縣自今皇復壬寅
大改元縣自張賊屠後併入山平武至康熙元年復

農無菜麥春宴只鷄豚
灌瓜攢虛市飢鳥集破村行

江油縣志 卷下

三七

將洗荒穢質樸古風存

神仙丸五色采藥最宜秋
少女通江堰縣南有微風女兒堰

抱縣樓東城外舊樓爭嶻支獨樹汗漫東雙流涪江東下雍河

西遠滙于縣南名雙流堤婦子多流寓
呻吟盡室愁

遠岬浮沙磧晴灘學怒號
紅襟約社雨白鷺耗秋濤

縣有茅容樹門侵仲蔚蒿
長官嫌太瘦不為字人勞

喜見茶瓜客空稱魚稻鄉
秋梨來異縣春筍是家糧

豹霧通官舍署後觀種花覆講堂
何時能化俗冠帶

盛儒裝

簡杭州親友二首

前人

難將官景報江東十里溪山村村寓公官路曲穿猿狖
外人家半住閣欄中間來頗覺詩情永春至惟憂酒
殘空有客揄揚陶令似南窓受日北窓風

鷓鴣曾借一枝栖照夜嵐光濕翠微市小纔容三里
霧人負只著四時衣梅開棧閣春來早雪暗松門鴈
到稀吏事總無堪療病紅欄添種藥苗肥

江油縣志

卷下

六

將游圖山早發西平渡

前人

幕歷秋烟曉渡空拖痲弱不驚風中流細認仙游
路寺裏千山黃葉中

稠灘高撼浪頭圓鳥外寒江捺渡船隔岸人家藏畫
裡蒼花如雪染秋山

韓童寺廢址

前人

興來今日擬開懷雲蒼巖秋山亦復佳強項花殘留客
樹寺今為曲腰人指避兵崖短坪蕩雨埋方礎破寺

寒松折古殿不敢校量筋力健十年前夢斷青鞋
游靈隱雲袖與汝
嘉唱和今十年矣

飛天藏時了然和
尚重修

前人

上人手巾無一錢搬柴運水寒岩前花龕突如挿天
半巨雖一舉千燈懸憶昔開堂始南宋飛閣斷
淳熙年嵌空柄鑿呈巧製蟻孔曲闢難針穿五丁神力
不易到經聲雷動剛風旋逮元至正乃重葺模糊綠
鳳猶高騫額書尚題梓州守蘇甲蝕筆蛟龍纏厥後

江油縣志

卷下

三九

梁孟屢劫火靈光古殿仍巍然穴中烏鼠閱人久亦
冠金毀神無完虹梁半歌鴛瓦裂誰與舉廢堦前綠
雲巖上人矢願力土木窮筭盈十千不日不月規締
造好事肯令他人專自言經營慘淡處對佛頰首憂
如煎十年身住心不住奔輪無恙推虛船法雲低暈
白毫現慧日高鑄黃珠圓銅餅倒垂收塔影貝葉細
帙供香筵巴西婦孺齊合爪此舉不朽堪流傳搜尋
古碣之剝字琉璃碑嫩生秋烟他年只恐錫飛去悵

望野鶴空摩天

上竇圖山二首

前人

逶迤一徑高入山不見寺谿新圍碧城羣峭肅石氣
排磴出鳥巢咫尺遂無地鬱然陰翳深所得在幽邃
古樹無柔枝小草潤餘翠微風吹客襟刁刁驗秋意
迴翔下界虛側足生憂悸寒蟲漸停聲修巖若有伺
頓思覆棕亭天然妥位置羅踈山水田稻畦割香帔
層嵐互明滅近遠各殊致一餉仙屏收不知飛雨至

江油縣志

卷下

四十

子明澹蕩人高致寄崑屋不耐冗長官蕭然遂初服
坐茅隱漁釣白月滿山腹飄飄草帶香蘭氣秋更馥
公乎真愛此佳境許誰屬我來仰前哲坐卧甫一宿
欲見煉大人太白詩願隨子明去煉火出金丹雙髻毛髮綠婆婆芳
樹間寒烟浮大陸寸雲合一峯頃刻象皴伏當其澄
霽時多景森在目何當稅塵鞅采真愜所欲洗手執
仙經時還漱齒讀

鬼門關

前人

百丈玲竈未可攀枉教人入鬼門關藤鬚不得粘為
樹卵石無端疊作山子夜神香歸毒霧靈風秋殿閉
陰姦欲將飛魄凌空問問取蒼華短髮斑

登嶽殿絕頂效昌黎體

前人

嶽力驚飛起隩區斷鳴吠纖步揭危巒蟻負上垠塊
柔荔高曼雲螺角埽青黛盤為雙髻撐擘作兩壁對
劃勢虛中離凹影缺口兌下蹙無底坑紉踵恐失墜
峩峩開古殿龕燈出幽燭絳節巢佺魂玉晨浮羽蓋

江油縣志

卷下

四

願香拈首春翁媪各羅拜巴賁資冥福輸背脫身罪
修廊卓石笋環繫鐵鏢在曳若蛛絲飄虹線吐螯背
沙彌脚不掉翫蹴踏無礙陰崖滅人踪孤峙儼遙待
觀者色怒飛狡獪喜兒輩鳧脰後離續年許及瓜代
鐵索橋一少年僧日過焚香今有凌空娟娜時大仗
十歲童子過橋前僧已股慄矣
佛力載浮危豈自知俯瞰乃心碎適來供幽事弄險
吁可怪高明神所宅福地不敢欬靈風嗒然至靜極
發虛籟軒軒天宇輝于此見四大雜樹尺寸強狂峰

刀劍銳爬梳到石髮蘭苔當秋佩茲舉亦足豪何必
定登岱听憤過苔梯題詩白雲外

游雲巖寺四首

前人

雲巖垂百尺結構此精藍古方排僧榻華鯨孔佛龕
蟲聲雜藥草人語帶秋嵐欲證無生訣應同靜者談
謂了然
上人

合掌見諸天清冷可悟禪佛頭栖大鳥猿臂渴秋泉
虛閣烟光入崩崖石蒂懸拈香微一笑相視菊花前

江油縣志

卷下

四二

時重
九日

欲問修持力多年杜德機山神騎虎過童子咒泉飛

衆塢徂先喜花宮燕早歸寺中分節候

早晚寒日
午中熱日
盱

即添衣

採芳尋斷逕施食及佳晨上客紅蓮飯高僧白氎巾
蔬棹登蜀芋鄉菜夢湖尊口孽知予淺空為五斗人

登超然亭二首

亭為子
明故蹟

前人

孤宦留餘跡天涯見此亭江清圍一帶地迥劃雙屏

桂蕊仙人宅苔花短簿廳子明曾為直知塵徑遠長

嘯動滄溟

老屋寒雲護迎仙亦隩區懸燈十手拜帶索一僧趨

月冷春無脚藤高樹有鬚眼花迷象外頓覺此身無

觀霧山

山為江油林壑之冠絕頂為晉賢大士道場殿覆鐵瓦殿後有洞了然上人結夏有年備述勝槩賦詩紀之前人

杖錫住十年欣賞岩中趣龍門突兀區觀霧誰與伍

重岡縈縣北多石獨淺土整衣削孤崖隸墨鮮洞戶

江油縣志

卷下

四三

有雲裡整衣字刻巖石

陰房窈而深壁色溜幽乳四時占秋香

花肖月中樹

有桂尺許四季吐花

坐令鼻觀通禪悅妙如許惜

哉懸崖傾攀藤無過處洞門光相現怪氣疑物吐布

為黃金田芒彩曳素縷天花如電射落手不暇取圓

光照普賢騎坐毛蟲袒平鋪下界色猛撒上方雨夜

神亦受記

用范石湖句

春燈百枝舞其光欲薰天繁星繁

可數上人愛此景雙掌為之撫吾聞開蜀顯蛾眉古

盟主下睇皆兒孫林樾左右輔仰摩鐵瓦殿茲山亦

軒舉薄藹春多烟微雪夏無暑倘非萬靈趨莫敢蹈
哮虎我將却塵櫻遠興發平楚嬰孩卧轆轤厭人作
險語未信緣尚慳或諒神所予起看香篆銷姑請停
談塵

匡山二首

前人

朝陽不滿樹取徑登崢嶸靈溪聞無語始聞初蟬鳴
我來窮幽避眺遠抒遙情崑端逢羽士道氣凝輕清
乃知遊物外軒軒謝塵纓迴谿忽轉苔梯滑難行
江油縣志 卷下 四
春林脫紅葉拾之懷憂驚恐扶華山雨龍蠕爪甲生
飄颻上危崖潛狙紛相迎瑤草瀟斷澗晨霞澹餘明
翹首望精舍蕭爽開軒楹

大匡何清幽茲游頌竒趣蒼厓如壁立象形毋廼誤
廬岳匪其明嘉名聞已素惜無康王簾但缺開先布
李侯讀書地秀氣遠迴互頭白不歸來令人增餘慕
後人詆軼事妄解杜陵句說詩貴性靈何必鑿其處
侵晨策杖行靈異亦奔赴顏楹不數椽坐感興廢故

花映畫梁雲禽轉名園樹仙境足忘憂從人索茗具

過大明菴二首

前人

過溪泉石足幽攀寺在丹崖翠壑間猿採蕨花歸別
洞鷓啣茶子種他山斷碑沒字金苔溢深殿無人玉
磬閒習靜不妨來此住朝烟籠澗隱潺湲

洗眼曾挑碧澗泉鐘魚仍記大明年琪花咫尺春蘿
隔縣市微茫曲檻懸玉版同邀燒笋會紫芽初展開
茶天難忘舊日尋詩約一踏殘山信有緣

江油縣志

卷下

四

中和寺二首

前人

開山始李唐長眉結僧臘寺門凝古陰佳樹忽四合
老檜吟尖風寒韻灑颯崑崙同游各坐卧差喜賓不雜
洗碑讀蟲文樵本手自搨谷時神一鳴樵響或遙答
宜乘灝氣行長嘯披闔闔

嵩房宵旦深亭午嵐光散白雲如春衣羅縷吹欲斷
道流為予言美景足幽玩四大皆鳥吟六時但猿喚
坐聞急雨鳴飛湍出石矸水簾遲不下窈窕曳天半

何減九疊屏
潑射瀑光亂
無人此銷夏
知希古所嘆
茲山產乳芽
聞茗互譏噴
狂呼玉川子
薄啜亦健美
一盃香飯分
俯影日未昏

太白臺孤松二絕

前人

酒中仙見小枝生
三品風吹五鬣晴
學得鬚龍聽春
雨空山疑有美濤聲

遙聞石齒漱寒江
燒草空留野火腔
時被賸得盛唐

千尺樹綠陰
圓覆讀書窓

江油縣志

卷下

四六

尋失鶴池二絕

前人

有鶴梳翎認故池
雨還風去亦多時
縱然水淺魚稀
後想見殘花作意吹

爬梳神灑許幽探
僧影依稀印淥潭
肯向池頭嘗勺
水絕勝井底照蘇耽

下庄埧

前人

言尋樵逕出覓渡野橋邊
門巷掃蚕紙人家種杏田
下方深見樹半嶺迴聞泉
迴望栖真處初驚夢路懸

舊縣二首

前人

井邇人烟合家學灌園春衫前度客喬木舊時村
村多買藥留茅屋尋花沂水源探山曾有約已覺遠
古木煩喧

滿眼晴巒集花陰好換衣雙情團蛺蝶一色弄薔薇
竹暗溪聲減苔生人跡稀遙看雲過處仙吏有鳥飛
欲登天倉山不果 前人

道人高居絳節宮招我遠蹈青城峯香火結願勞夢

江油縣志

卷下

四七

想顧曰為誰佳氣濃佳氣蜿蜒數百里疊嶺連岡不
記重泉峯迴翔一峯峙芒熖夜吐金芙蓉太乙極真
此昇煉鈎梯直上千蒼穹攀蘿捫葛得古洞圭竇止
容偃倭躬方廣但覺架屋小覆盎甯與仙槎通 天倉三洞
互通不如堂如戶差舉似結構岩穴需神功乳床忽
苞紅匝西陰壁自凍花蒙葺數折乃聞水簾落乍聽
投石聲硿硿瓊樓平行可跣坐紫文映面開仙容上
盤到岑下穿壑未判昏曉難搜窮巨靈擘此次寥境

不我遐棄荒陬邦傳聞幽窟富靈異磔潭之水守以

龍汲瓶未出雨師恐雷霆吐瘡驚乾封洞水非大過

溪髻髻弄人語鐵船待駕撞顛風神魚跳擲激波響

柔橈鴉軋鳴晴江相傳人入洞底見跌遊人到此亦

驚怖兩股戰慄心怔忡亟呼徒侶認故步混沌鑿死

荒鴻濛飛蛇不下善虎伏濕烟呼吸寒飈衝遙看洞

門滲日影仰見赤曜撐雙瞳纍纍石麪積無筭支光

肥膩如新礮上天亦運左旋磨箕簸斗揭將毋同毘

江油縣志

卷下

四

酪剗割雲母碎餅餌作飯紅蓮紅天田有粒時狼戾

儲此萬寶拯年凶洞產石遊仙福淺未得至名山覲

面愁難逢手展圖經自盤礴願供井磴偕春農坡詩何當

來世結香火永與名山供井磴何時定挾雙鳧去矯首欲躡行雲蹤

遊匡山踵太白出山詩韻 前人

文章尚覺光芒在絲鳳威蕤勢欲垂濁酒只應天亦

醉仙人長與月相隨烟糊破寺千家雨水展新蒲四

月池一枕名山春夢斷重遊未審復何時

送彭明府之任江油

涪陽戴翔虹 劇欵

君髻星星我髮霜
四十年交情未涼
君既一枝攀天
杳今復百里單琴張
我長于君力雖強
硯猶在匣筆
在囊歲歲携向選佛場
徒讓得意人騰驤
伏櫪不肯
辭鞭韉布或一顧逢孫陽
但昔意氣同顏頰
早晚君
行縮銅章竹馬來
迎踰蜀岡入境山
先見大匡江油
地古屬氐羗
置邑居民自漢唐
太白曾嚼江油觴
江油令築臺于堂
為愛太白有詩腸
其尋覽時可相將

江油縣志

卷下

四九

君知詩亦我所長
臨風能不念無忘
所恨老睹槐花
黃雨脚欲趁舉子忙
夜觀三條蠟燭光
弗敢從遊恣
徜徉竚聽君政頌
循良承恩詔
入佐巖廊此時我
若眉得揚握手一笑話故鄉

前題

蘓州

沈

虹

涪陽

峒嵒曾探神禹文
蓮華識得巨靈分
要君更一雄奇
趣巫峽濤流棧閣雲

為政風流在此間
登臨逸興得優閒
况從太白臺前

望自有匡山與華山

抵江油任寄都中親友

知縣彭 趾

廿載詩書債未酬
隆冬捧檄到江油
山多烟霧人稀
見地少桑麻歲儉收
三里城圯如破寺
一官匏繫似
羈囚京華親友應相憶
聊托郵筒寄遠愁

浴佛日遊竇圖山四首

前人

為訪仙踪去

有竇子明遺蹟

圖山古道場
層崖疲馬蹶
亂石

走羊腸
逕雜林花色
爐焚柏子香
魏瞻嶽殿迥
扶掖

江油縣志

卷下

五十

上高岡

樹頭播影動香會
隔程來

進香者不遠千里而至

供客饒山教

烹茶薦蜜梅
珠泉緣澗滴
線景劈峯開
藏殿貽留遠

延僧問劫灰

飛天藏建自宋淳熙

百尺巖雙峙
懸空架索橋
烟霞眼底澗
香火望中遙

代有僧能渡

代惟一僧能行餘則股壞

知無隱可招
朱侯碑記在

讀罷轟雲霄

去年浴佛節
猶憶住京華
頻走豐臺騎
貪看芍藥花

茲遊禪室靜不覺俗情遐歸訪盈壽麥青黃一望嘉

陽亭壩勸農

前人

陽亭十里勸農桑薄暮歸來緩鞵韉日落沙堤人待
渡渴臨茅店酒如漿一蟬鼓翼風初靜片月當頭夜
已涼差喜今年饒堰水高低阡陌盡栽秧

武都壩勸農

前人

無多案牘一朝清又出春郊勸耦耕山霧連天愁不
捲河流添雨怒難平短垣時見蝸留篆小院微聞花

江油縣志

卷下

五

落聲到處停鞭訊老稚辛勤應卜好收成

塘村勸農

前人

送春風雨苦連綿却喜今朝霽景偏日暖沙田看麥
熟水清蹊澗任牛眠好音時聽金衣語醫俗常親玉
板禪晚去塘村乘款段丰規明月照吟鞭

羅漢壩勸農

一名雙
流壩

前人

雙流遙睇眼分明二麥將收布穀鳴山頂雨停雲漸
歛林端風細鳥無驚禪房花木耽幽興村舍鷄豚樂

太平為語居民農事急新頒
諭旨勸勤耕

新開山

前人

清和節候麥齊抽策騎新開山畔遊
梁燕已離春信
杏竹林初長雨聲留千層
淮水藏村落一道飛泉
澗流到處濃香風過去野
薔薇簇錦纏頭

讀書臺懷古

前人

大匡山勢鬱崔巍上有李白讀書臺
界落邊荒遊屐
少我來訪古山之隈臺畔
蒼松色如鐵云是太白手

江油縣志

卷下

五

所植岩下清池水細流鶴飛不見草如織
撫松汲水
呼謫仙滿携斗酒索詩篇層峯拱立寂無語
野猿怪
鳥啼寒烟不知當日讀何書狂吟豪飲吞六虛
沉香
亭上君恩重徂徠山中酒友踈大閣心懷脫靴耻
讒
動宮闈棄才子天寶離亂走西蜀胡不奔赴還鄉里
永王應辟成蛇足夜郎赦後尋陽獄放浪天涯實可
悲故山空自留遺躅吁嗟乎自古才名多不偶同時
冷落浣花叟一代詩人並坎壈千秋憑吊知誰咎

樂靜庵春眺

前人

趁晴小隊入山來
 樂靜庵空鎖碧苔
 芳草不隨荒廟歇
 杏花猶傍斷碑開
 白魚導水曾成堰
相傳白魚引水至此為婦人所觸
 綠茗烹泉絕點埃
 覓得黃楊葉似豆
 一株移飛去
 向古廳栽

西平渡觀水

前人

入夏多風雨
 崇山瀉急湍
 勢雄推石墮
 浪猛毀湜寬
 戚戚心憂潦
 時時衣怯單
 渡頭人跡少
 來往一舟難

江油縣志

卷下

五

桂馥軒新葺

前人

霽濕經旬滑似油
 桂軒版築恰如舟
 圖山霧起迷青眼
 遶樹禽飛見白頭
 市上日高人未集
 瓶中粟罄鼠仍偷
 半庭積水還深尺
 贏得蛙聲閣閣愁

古廳新葺

前人

東風吹遍柳條拖
 矮築泥垣掛薜蘿
 村舍已聞蠶作繭
 公庭惟有雀堪羅
 連宵踈雨紅啼樹
 十里橫流綠漲波
 消受一春書判暇
 婆婆老桂長新柯

古廳芍藥

前人

古廳數弓地課丁藝芍藥三月盛花開如盤復如杓
艷質傾城國濃香溢簾幕姚黃固佳麗稱婢殊輕薄
憶昔在京華豐臺歲行樂觸目花成海車騎填溪壑
又憶遊淮濱誰園赴友約遠亭千百本錦繡紛交錯
對此一回首不覺景猶昨雕欄之護持冷暑聊寄託
莫笑主人窮招邀勤杯酌莫訝主人俗吟詠自酬酢
莫解主人愁萬里歸程惡莫怪主人憐旬日未零落

江油縣志

卷下

五

輕風徐翻來細雨微潤著紅粉鬪妝齊蜂蝶爭相譁
幸我安眠食倩爾消寂寞豐臺與誰園何必定為若
亭池借徐子雨田避暑
前人

濕蒸三伏後涼納小亭中樹底瓜懸綠蔬傍花間紅
滂沱南畝雨時多苦雨瀟灑北窓風信子敲碁子相忘拙
與工

冷署高春日荒城深尺泥逐羶看蟻集抱樹聽蟬嘶
竹漏引泉細秋枝着雨低臨池魚避影未許一竿携

遊天倉山乾元洞六首

前人

聞道乾元勝三年負素懷今朝風日美行野麥收佳
橋仄橫撐木堤危疊護柴因明禪院古宿因茶笋供
清齋

躋攀歷險隘扶掖到天倉好鳥時相喚閒花自吐芳
千尋岩拱翠百尺澗流長鐘磬聲方寂青椒蜜點湯
道人以余不飲茶乃
搯青椒煮湯蜜點之

穹岡層折上仙洞絕幽深石粉堪充餌有石麪可食寒泉

江油縣志

卷下

五

可滌襟僂僂三竇曲有三層聳轟九龍森九龍洞九

杳冥殊難測天橋莫敢臨至天生橋人莫敢過

列炬破幽晦崎嶇山腹中象形蓮倒捲有石倒徵異

舫難通傳有戲澗汲堪祈雨大旱汲水門灣恰息風

相傳風門滅朝真信有路奇石疊排空

茲遊良不易倦倚小樓高藏經樓舊袖拂雲烟迥坐

忘塵俗囂穿林驚卧犬隔巖聽啼猿迎送五花石黃

冠亦覺勞僧道送迎以五花石為限

坡田間荒爨鳩語半陰晴掃蕪暮殘燭停鞭勸力耕
慚無濟勝具聊適宦遊情歸覓山蹊逕羊腸闢路行

江油竹枝詞十二首 小序

前 人

三載江城一官匏繫截長補短幅幘不及附庸槩
善懲頑習尚未臻仁厚况其細已甚急欲興所當
興或曰陋如何無柰革仍難革衣食不善為計禮
法固識其非言者諄諄聽之漠漠豈因陋就簡地
固有所拘而易俗移風吏終不能得耶蓋邑猶草

江油縣志

卷下

五六

創生聚未遑而術愧迂疎變更非驟前編歌咏以
勸士民茲撰詞章亦寓教戒云爾

相沿習俗改難圖三載空勞筆舌枯生計罔思刑罰
辱痴頑偏只愛樗蒲

寒生肌粟計如何丈布斤綿便可過怪不覓衣惟覓
酒酒錢積筭較衣多

禾苗也識及時栽農力都無糞與灰蓄水之池車具
少但祈春雨自天來

樂歲糧無一歲存倉廩不設飽鷄豚訛傳霖濕難收

貯稍遇年飢便掘根

年荒掘歲根而食

踈竹編墻指罅寬任他風雨不遮瞞辛勤好把泥灰

抹家室無虞魂夢安

山饒竹木水魚蛙美利隨人好作家工藝不勤漁獵

懶却生妄想去淘沙

郊原放畜或通衢收繫何嘗有牧奴欄柵絕無無覓

處可知竊不用穿窬

江油縣志

卷下

五七

藥苗遍地未知名疾病年年春夏生多不信醫偏信

鬼端公打鼓鬧三更

俗呼巫為端公

布縛頭腰冠帶稀蚕綿亦有織無機冬裘夏葛雖難

辦終歲何堪只一衣

祀神祝 聖禮儀多鼓樂無聞器數訛邑乘未成文

獻缺擬將荒陋變雍和

正旛前導會燒香祭禱爐焚紙幾張高唱彌陀勤路

拜圖山霧嶺一春忙

鄉城屋舍盡茆茨
爐火須防焰起時
漫把柳腔巴調
學關心且唱竹枝詞

池亭避暑酬彭明府

宣城徐霖

避暑池亭好
清流竹引潺
倚牕先得月
安壁不遮山
波暖魚兒出
巢成燕子閒
案頭無俗事
相對亦開顏

西平古渡

以下江油八景

教諭陳幹

澄清江水碧於油
終繹人紛古渡頭
綠柳垂陰波底
拂青山倒影鏡中浮
印須有約呼舟子
樂爾忘機羨

江油縣志

卷下

六

野鷗好景撩人描不盡
忽驚漁唱過前洲

圖巖飛橋

幻將鐵索架飛橋
世路塵氛到此消
並峙雙峰探碧
落高峯一綫渡
青霄難如蜀道形
彌險勢擬天衢步
若招一自掛冠人去後
神仙踪跡望遙遙

竇子明在此山仙去

龍門曉月

龍門勝蹟喜相過
一帶重陰綠樹多
恠石和烟含曉
翠落花飛片點晴
波雲流洞口驚
魚夢風動林梢喚

鳥歌最是五更清絕處一灣殘月在藤蘿

陽坡晚晴

雨霽郊原叫暮鴉綠楊深處有人家暉凝園嶺雲猶
濕爽接陽坡路轉賒泊岍漁舟收網苦荷鋤野老話
桑麻雍熙景象真堪繪山色霏微弄晚霞

匡岫賢蹤 李白讀書處

謫仙臺榭已成荒詞賦風流獨擅唐嶺上烟雲留翰
墨山頭花鳥是文章青蓮社裡歌聲在失鶴池邊咏

江油縣志

卷下

五九

嘆長幾度登臨進勝概徘徊不捨舊書堂

霧山靈雨

此山有霧必雨

奇山奇景傳天下奇似此山景更奇乍見峰頭霧起
處早知城畔雨來時陰晴不用著龜卜豐歉能將造
化司願借山靈調玉燭年年人賦大田詩

天柱樵歌

古木長林野趣多白雲堆裡起樵歌聲隨鳥韻來幽
谷人帶花香度遠坡寵辱無關凭唱和斧斤為伴任

娑娑擔風荷雨當前樂何必荒唐說爛柯

金光仙洞

峽岩幽洞覓仙源一片光開另有天蓮柱雲封堆石

粉內有石丹爐雨過西苔錢甘泉濺地寒生五古栢

千霄暖帶烟摸索真人騰化處相傳太乙依佈耳畔

响笙絃

前題八景

江都 胡時錦

誰鑿涪江繞郭偏津頭風物自年年侵沙細草留行

江油縣志

卷下

六

徑夾岸垂楊出渡船雙漿蕩殘千頃練片帆衝破一

川烟遠汀剝有閒鷗鳥泛泛輕波闊變遷

西平古渡

傳道江油竇子明不為仙史學長生却拋五斗求金

錄直占三峯近玉清鑿斷雲根橫鐵鎖劈開岩頂駕

長鯨我来欲渡趁起返悔不凡軀似羽輕

圖嶺飛橋

疏鑿何年古洞存蒼々晚色鬱龍門素蟾影漸沉蛟

窟明鏡光如浸玉盆散盡宿雲磨復盪結來初霧吐

還吞荻花蘆葉搖秋浦嗟々鷄聲正出村

龍門曉月

放陽坡麓麓笠亭微阡陌如枰錯繡圍深樹蒼黃留返

照遙山明滅送斜暉雲生野寺清鐘度烟滿魚梁白

鳥歸一杖行吟憐暝色金霞散漫映雲衣陽坡晚晴

浮世浮名過眼埃青蓮尚有讀書臺檻前古栢亭人

秀窻外竒峯面人來詩句空憐仙鶴失江聲猶憶錦

袍迴夜深月下聞天籟疑是豪吟對酒杯巨岫賢踪

萬丈洪崖倚太空羣峰環伏獨稱雄祈求每慰蒼生

望呼吸應知御座通疑霧疑烟終觸石為霖為雨條

江油縣志

卷下

驅風山靈不使驕陽虐大地咸歌造化功霧山靈雨

石膏何年此琢磨峻嶒如柱拄天河輕雲搖蕩白于

練萬木陰森綠若莎幽谷丁人傳斧韻空林裊人起

樵歌應知有客棲巖穴莫戀看碁恐爛柯天柱樵歌

太乙仙壇白玉樓苔荒迥出繡巖頭砂間時數神人

跡洞底誰維頑鐵舟玄鶴不歸丹竈冷青霞常護石

蓮幽夜深髣髴聞環珮三十六峯明月秋金光仙洞

前題八景省親邑

阿迷瞿鞏祚

風輕浪細夕陽天古渡西平聞扣舷青草漲添一棹

雨綠楊村隔片帆烟歸來范蠡五湖客別去張騫八

月仙我對秋颺欲共濟鱸肥蓴美路三千西平古渡

漫驚鳥道與羊腸圖嶺飛橋險莫當雲破兩峯并剪

立虹牽一線錦絃張仙關獨闢牢加鎖天柱雙檠危

架梁何事老僧臨此渡芒鞋踏處總康莊圖嶺飛橋

河沒星躔鳥亂啼關山一片月清淒曙煙輕透水光

薄曉樹深留桂魄低鵲繞初驚五夜後兎遲猶戀數

江油縣志

卷下

峯西庾樓永夕歸來客興到龍門第幾溪龍門曉月

陽坡極目送斜暉霽色蒼茫帶翠微霞護半天日恰

落烟盤深樹鳥初歸圖峯雙峽晴嵐晚涪水一灣暮

靄飛十里平川無障礙孤雲飄泊欲何依陽坡晚晴

結廬匡岫傲乾坤斗酒百篇誰與倫詩句空留芳草

怨書聲已斷夜臺昏青雲一就長安道白首不歸西

蜀魂悵望天山訪道處兩三松下夕陽村匡岫賢踪

維嶽崧高天九重寒烟漠漠暗羣峰空聞雲外一聲

雁不辨巔頭萬壑松雨夢陽臺丹嶂隱嵐橫霧市翠

屏封乍霖膚寸崇朝遍百里江城仰公宗霧山靈雨

林密山深稱物情祈薪未往日營々雲橫谷口隔樵

徑風倒巖頭落斧聲一曲採薇還媿々千峯伐木故

了々何年大匠識天柱不教長松伴杞荆天柱樵歌

三十六峯點畫圖金光古洞半荒蕪漫驚巢穴深千

丈別有乾坤貯一壺夢斷黃梁石麪熟漁歸桃岸鐵

船孤煙霞幾許供幽賞莫把春秋笑蟋蟀金光仙洞

江油縣志 卷下 六三

題建彰明青蓮書院 知府八十三

唐祚中興緣巨眼先生功績等汾陽埋頭一世逢高

官遺恨千秋遇永王隴右未能歸里社川西寧計饗

丞嘗時請入鄉賢格詩文究竟超今古笑許諸生建

講堂

贈甯孝子愚二首 巡道張之浚

望雲渺々切中天壘耻空生四十年純孝美君茅舍

裡移忠又愧有名賢

履薄臨深五十年於今年更無緣
萱花庭畔椿株下
勉力思君識孝筌

和八太守題青蓮書院

教授祝岷

釣鰲何處是關鄉
敬吊先生江水長
一夢獨能愁杜甫
雙眸誰記識汾陽
千秋明月空相望
五夜寒星不掩光
建祠追踪憑作主
珠璣捧讀有元香

訪江油甯繩武

前人

安訪此時黃叔度
澄潭野渡靜無聲
行未十里浮雲

卷下

六

散到處一間草屋成
威人堂中雙木主
循人階下幾書生
主人此外渾無事
寂寞壠坵時一行

匡山懷李白

前人

李公去昔年策杖空留宿
仙韻滴幽泉香風吟醉竹
夢寒月照山夜永猿啼谷
書劍幾時歸清景伊可卜

登太白臺

拔貢王世良

謫仙詞賦古今傳
故跡層臺此屹然
案擁溪雲浮翰墨
風飄松韻入宮絃
自從破壁飛霄漢
無復還珠問

漫川莫訝登臨私所好匡山千載一青蓮

戊寅夏憂旱二首

知縣 瞿緝曾

豈有長才濟世屯恰逢天旱倍愁人涪江不得從空

落觀霧徒勞人望頻

觀霧山名邑傳雲興即雨

雜處民風多未古

飢驅事故更相因無由得荷甘霖降我罪伊何可自

新

何獨予未澤便屯報顏羞對此邦人燒天煮地炎々

盛朗月清風故人頻已識旱災成有象可堪悔禍復

江油縣志

卷下

五

無因愚衷願借回天手百里早沾澍雨新

禱竇真人祝詞二首 有序

前人

戊寅夏五月不雨民憂甚用父老言步禱龍
王塘做前郎守李公事入洞取水越三塘至
聞潮聲乃出雨果降惜未霽足署教諭祝君
岷以圖山竇真人靈請禱卜日偕往時祝君
暨駐防楊君文魁各為詩以祝余亦率成二
絕句焚而歸大雨明日又雨自是無旱憂胥
度真人靈應依我江城為不棄也
二君詩不傳余作尚未散失錄之

真人飛度絕塵埃萬姓香煙此地未若教甘霖無法

沛維桑與梓亦哀哉

真人即邑人

不信禪關但說空如何空處有橋通即感索橋想來應具
回天力未必徒成自了翁

青蓮書院紀事

前人

匡山之麓麓縣彰明云是謫仙李白里我來江油訪遺

踪猶聞正氣今不死彰明新作青蓮院議格鄉賢為

釋奠巡臺短之胡君作宰胡名鄧作師鄧名神牌擬

以先儒冠一夕楓青入夢魂謝謂二字不敢宴未經

題連馬用此直署官名唐學士語畢厲聲杖出門兩

江油縣志

卷下

六六

官驚寤驚相語回憶道貌凜難干龐眉鶴髮不知所

吁嗟乎青蓮去鄉數百年魂氣何之突來啟精靈不

昧亦尋常其神故不享非禮範我幽馳循正軌生前

心跡可知矣唐初薄譴後還官何事涪江恨未已危

乎一行累生平臨深履薄思君子

贈甯孝子愚

前人

臣竭忠兮子孝親古今大義在庶民如何天性難為

主常教物情化作賓涪水溯洄斯有本實坪孺慕已

終身其愚信是尼山重又羨蓼莪咏後人

已卯秋署桂盛開折送書院諸生掌教王明經
世良為賦五言排律以謝依韻答之

老桂江城署栽培歲月良扶踈通上界爛熳噴天香
共逸蟾宮興羣依寶樹光托根原異植結藥有餘芳
馥透霓裳舞名高月殿揚守株人自老板幹子能長
信是河陽瑞寧誇竇氏祥連枝一折贈吟望屬巖廊

步祝廣文登圖山原韻

前人

江油縣志

卷下

七

自到江油日紛々圖山於我空相羨往歲禱雨涉其
巔果然一覽斯為善彈丸小邑壓江邊不辨凌空別
開面眉月巫雲遙可招此處通天有一線雙峯突立
千仞餘一峯彼岸竇真殿真人宛若居蓬壺引我長
橋太奇變獨索橫雲弱水空過此即仙心胆戰誰為
釋子扶持者險絕孤踪代一見嗟此神山禱應靈叩
闕層轉石門扇鬱紆揮汗真如雨草木疑蘇仙家院
當時敬挹仙泉水海日西沉歷未遍會逢一曲歌陽

春使人別後猶追戀

經大匡山步太白原韻

前人

碧峯猶是舊參差太白千秋勝蹟垂我到匡山興仰


止公留蜀通與追隨飽經巖邑捫參井小憩禪關問

鶴池惆悵祠前清境晚長庚星照夜歸時

江油縣志

卷下

六



江油縣志跋

古者載帝王之行事則曰紀書國家之治忽則曰史
東平子作地理誌顏師古著博物誌以致通都大國
俱各有誌特未以縣著嘗攷周制凡有土地人民之
責者悉以邦名其時約十有八百迨七雄裂土嬴氏
兼并改天下為三十六郡縣至漢割五等制選賢良
方正者為縣邑之長而縣誌始傳迄今通天下皆有
之唯蜀中自張逆屠戮之後人盡隴處孤居地皆殘

江油縣志跋

卷下

一

磚敗瓦而江油尤甚典籍老成蕩然無一存者歲壬
寅我邑侯彭公蒞有茲土公濠陽世家賦性明敏
好讀書幼掇巍科淹通今古出其所學以為政教舉
凡修溝洫勸農桑隆學校彌宵小罔不盡心數載之
內物阜民康如父母之護嬰孩如師保之訓子弟讀
勸士勸民之歌知其用意良深厚而有不家戶戶祝
者必非人類乃公猶以縣志未有欲為斯邑建不朽
業以故轍跡所至覩其名山勝槩高賢遺蹟罔不留

意焉公餘之暇垂簾握管掇拾補湊幾費寢食或得
于傳聞或訪之父老復以夙昔所淹博者取而証之
不漏不溢井然秩然以視地里博物諸誌不更勝一
籌耶噫江油抑何幸哉以絕巨重之責而數十年無
人動懷以絕艱難之事而數十里無書採摘獨以造
五鳳樓于會英咀華遂成一邑之巨觀自今而後豈
惟山川生色古蹟重昭而久經沉沒之人物咸炳然
於版策中詎非大幸歟余本籍新安與公有梓里誼
今叨字下不能出一詞贊而熟悉公經營之苦與夫
仁心仁政故不辭鄙陋聊書數行以附山斗之末云
雍正五年丁未夏六月朔日後學陳幹謹跋

江油縣志跋

卷下

二



江油縣志跋

竊惟志史之資也脫無志雖史遷再世不能東筆蘭
臺劉向復生何由校讐天祿是無志則無史也志顧
不重乎哉雖然膺斯任者非蔚然若相如炳然若君
乎^平秀發若王褒漫欲搽觚侈然而登作者之堂鮮不
陋矣以故蜀自神禹肇夏吉甫佐周而後代多文獻
光耀史冊顧其才或以功業顯或以文章著人各擅
長事不相襲即志乘著作之才炳々烺々殆數十家

江油縣志

卷下

一

究厥大雅則惟前太史氏升菴方洲之蜀志蒐羅宏
遠紀載精核庶信今而傳後也志又可易言乎哉僕
雅安俗士蔡蒙鄙人行不踰乎州里識多囿於見聞
謬於庚辰歲司訓此邦目覩學校之隆英才之盛及
夫山川民物之秀麗繁衍深惟我

國家

聖聖相傳德化翔洽故所在良有司仰體

皇恩憲德輕徭薄賦生聚招徠如茲江邑固已化蘭

茅為麥穗變凋瘵為殷繁矣富庶之邦文教斯盛竊
欲與諸生訪志按圖求文物之勝槩觀名教之姱修
以咏歌至治而舊志一編惜乎缺畧之多憾也今年
冬邑侯瞿公雅意文治乃於簿書鞅掌之餘本南雲
之家學揮西蜀之彩毫續成江邑新志以示吾黨僕
受而讀之為目三十有四紀事必核其實選言必扼
其要詳畧有體華實並茂不使有纖毫簡戾以成一
方信史吁公可謂遺愛千秋者矣公為人質直故不
江油縣志 卷下 二

事鋪張而能舉父母斯民之大政如茲志有成後之
覽者觀山川土田聲名文物之昭回燦若日星不且
與升菴方洲前史氏之蜀志後先輝映乎

國家而欲修職方之史請以是為先資焉可也謹跋
乾隆二十五年庚辰冬訓導雅安嚴永孝拜撰

江油縣志跋

乾隆二十二年冬余署江油學篆值邑侯瞿公蒞任
之始相見輒以邑之治具未備民俗未厚為憂越一
年余回松任因家慈留住江油歸省數四則聞侯綱
紀庶務百廢俱興風俗亦蒸蒸日上變矣今年春侯乃出
所續邑志示余余惟江油舊志修自雍正五年前今
彭公時蜀去兵燹未久而江油直接陰平地形險要
殘毀甚於他邑康熙年間賢宰若鹿田朱公學齊王

江油縣志跋

卷下

公先後招徠撫綏彭公繼之惟有歷年元氣漸復觀
其所修邑志經畫勤勞猶可想見惟是舊志一書紀
載尚未周詳規模亦多踈脫蓋不獨平武撥歸讓里
三十二載之事未遑暇及也識者不能無憾焉今續
志冗者裁之缺者補之其為書詳而有體簡而有法
始彬彬乎一邑之文獻矣夫江油漢之廣漢郡也在
周秦為氐羌地用夏變夷有從來矣乃按志以稽文
學之名忠孝之節一二人外已不少概見說者謂匡

山毓奇金精吐秀千百年始一發其光顧匹夫匹婦
砥名勵節亦足以維風化夫豈必間世而生何竟落
落焉紀載之莫傳也而余更竊有感焉國有史邑有
志皆文字之有資治理者倘一邑之廢興沿革土俗
民風未嘗熟悉於中將不能措施各當况垂之簡冊
俾後世徵而信哉士君子一行作吏塵勞案牘而其
間好尚各殊詎易於公餘之頃考究源流殫心經理
茲續志一編舉江油千百載之事故目前之利病瞭

江油縣志跋

卷下

二

若觀火侯之治績可知矣謂即其所以立功者推之
立言又將使後之人得緣是以寡于過焉詎非不朽
之業與余本無學識近以親老艱於迎養行將退守
林泉不復闖世故矣江油之志余何知焉惟念曩者
署任江學時候之勤政實所深悉今既目其治之有
成而知其立言之有本也聊贅數言於卷末以志歆
慕之私云爾時乾隆二十六年辛巳春二月中浣
賜同進士出身文林郎松潘廳教授洪雅祝岷敬跋

邑侯瞿公滇南名士也涖吾邑三載政通人和百廢皆興乃續修邑志凡編中所載方隅形勝人物土產廢興沿革教養諸務悉矣其於忠孝節義尤憐人焉蓋惟古今來所恃以拄地擎天而乾坤不毀者忠孝節義之人耳故在蜀漢江油有李氏義不受辱直紹前後出師之忠悃至今稱之夫人情本乎天性彼鬚眉男子中惻婦人聞李氏之風而興起者當不乏人

江油縣志跋

卷下

一

也惟疊經兵燹前此既失紀載近或有意表揚而匹夫匹婦率性孤行揆諸義理或失於過當或局於尋常衡人者意在求全遂聽其一腔血性落人與草木同腐夫彼貞操勁節之人一意自遂遑計其身後名留持是風聲未樹從義者不力縱欲者莫返以是而欲求致治難矣此邑侯瞿公旁搜遠採于茲忠孝節義之人尤憐人也抑聞公先世宦途流離著有潔芳一編清風亮節萃於一門故其為治有本敦尚風教

至於編纂諸體其用意之廣以大措辭之簡以嚴有體有法識者自能辯之無俟愚管窺之見贅說也吁江油小邑耳公不以百里為嫌遺愛斯文如此何其幸哉

邑拔 王世良 貢

邑之有志猶國之有史也數十年而一修事誠盛舉顧求之於簿書鞅掌之餘苟非其人則纂輯刪定事固自難焉者吾邑舊志創自前邑侯彭公時則平武

江油縣志跋

卷下

二

未歸讓里疆圉猶隘人民弗稠其所記載不過十甲之五缺然有憾于茲蓋三十餘年所謂莫為之前雖美弗彰莫為之後雖盛弗傳者矣幸逢今邑侯瞿公滇南世胄科第名家承清白之遺風敷文學於政事下車以來無日不以教養士民安輯地方為務猶念志乘一書缺畧未周詔我同人從事續纂於時吾黨之士雖畧有敷陳公間於他務未暇一人裁定也迨今三載公庶政聿修若城垣壇廟郊闕道路書院堰

渠既已興廢舉墜恢宏封域至於廣布教條譯宣
聖訓賓禮賢良旌揚節孝決久淹之訟獄清雜處之
牌隣正四境之封疆培一城之風脉以及旱乾水溢
竭誠致禱防災備患尤彰、在人心目間卓有可紀
者而至是續志一編積歲月之搜羅經心手之釐定
亦於是告成焉觀夫天文地理諸目凡有關於治道
人心概登簡牘雖小不遺其或浮詞無益幻說滋疑
悉刊而去之事衷諸義理言歸於簡要彬彬乎質茂

江油縣志跋

卷下

三

文醇始成吾邑志之全璧矣嗟乎前人不及為待後
人為之後人不及為至公乃為之何與惟公德器遠
大不以一邑視一邑直以天下之事功即此百里間
小而可該親而易及故不矜時艷一意勤民以致年
穀順成民氣和樂斯能舉一邑之全志成於治化之
餘者如此生迂拙無文謬膺山長每於朔望親公之
德教有懷樂只敢不畧附管見一言以志弗謏乎謹

跋

邑廩生 王業鴻

從未稱邑侯之賢者原不徒區々文字間也何則百里雖小民社攸關若惟是矜尚詞華拋置實政則空言無補非當務之急矣雖然文字之體不一如其有關民社可資治理則又惟恐其不言惟恐其不能言夫所謂有關於民社而可資治理者何邑乘是也彼夫邑乘所載天文地輿覆載係焉建置沿革古今判焉疆域形勢城池關隘則遠邇險易可慎固而周防

江油縣志跋

卷下

四

也戶口田賦水利鹽茶則肥瘠盛衰可拊循而生聚也至於學校祀典名宦鄉賢以及孝友烈女人物選舉又皆所以崇德報功樹儀範於千秋作人材於百世者也其餘山川古蹟風俗物產藝文等類亦皆所以發一邑之靈秀表一邑之勝槩使其能博採旁搜奮萃一書有典有則將司牧者覽之而知所設施執經者閱之而知所興起未始非教養斯民立德立功之權輿也然則求文字而歸之於志乘特患無志於

言與夫格於時勢局於才識有志於言而不能遂言
耳今如我邑侯瞿公百廢俱興乃於公餘之頃取前
邑侯舊志增其不備刪其無益卓然為一邑之成書
此前人所不逮而後人所樂與者也生也沐浴德教
躬逢盛事敢抒愚悃而頌一詞曰愷悌及物兮惠我
黎元文獻足徵兮拜茲昌言

江油縣志跋

卷下

五



清史館舊藏乾隆間刻本
民國十九年二月國立北平圖書館鈔